

P O E M E  
PHILOSOPHIC  
DE LA VERITE' DE LA  
PHISIQUE MINERALE,

O V

Sont refutees les obiections que peuvent  
faire les incredules & ennemis de cet Art.  
Auquel est naïvement & veritable-  
ment depeinte la vraye matiere  
des Philosophes.

*Par le Sieur de N V I S E M E N T, Recenseur gene-  
ral du Comté de Ligny en Barrois.*

D E D I E'  
A TRES-HAUT, TRES-PVISSANT,  
& Tres-Vertueux Prince,  
Monseigneur le Duc de Lorraine & de Bar, &c.




A P A R I S,  
Chez IEREMIE PERIER & ABELIAS BUISARD,  
à la place Dauphine, près le Palais,  
au Bellerophon.

---

M. D C. XX.

*Avec Privilege du Roy*





# AVX LECTEURS.

**M**Algré les flots émeuz par l'ignorante  
rage,  
Et l'obscur tourbillon par l'enuie ex-  
cité;

Quiconque aura pour Nord l'astre de verité,  
Singlera de tous vents a franchi du naufrage.

Si j'ay veu par Vanguelle, avec un grain de poudre  
Douze gros d'argēt vis sās fraude en or muez:  
L'orgueil des vains discours de raisōs desnuez  
A desmētir mes yeux me feroit il resoudre?

Mont doucet noble & docte, en probité insigne;  
Fut exaēte recors de ce diuin effect;  
Qui par l'experte main du vieil Girout fut fait  
Sās que d'en aprocher Vāguelle jeist nul signe.

Si du plomb calciné, extraict de bohne veine;  
De l'or (mais sans profit) ie tire tous les iours:  
Ceux qui font cōire l'art tāt d'insolēs discours  
Sont ils pas cōvaincus de presumption vaine?

Discours audacieux que fol penser mēdite,  
Et qu'opinion fausse en public vi semant:  
Puis que vous asirmez que la verité ment, (tez  
Partez vous pas d'une ame impudēte & maudi-

*Vos Auteurs desormais feront mieux de se taire,  
 Qu'aller au englis nez des couleurs babillant:  
 Ce sôt vrais charlatâs, puis qu'ils vôt habillât  
 Du pourpre de raison un erreur populaire.*

*D'impatiente ardeur procede leur furie;  
 Car esperant d'abord leurs desirs contenter,  
 Premier que concevoir ils veulent enfanter,  
 Exerçant la pratique avant la theorie.*

*Nôs maistres ont sceu l'œuvre auât que l'auoir fai  
 Le bon Treuisan mesme ose persuader (te.  
 Qu'il en eut par l'estude auant se hazarder,  
 L'espace de deux ans cognoissance parfaite.*

*Voire qu'en cet espace il eut libre acointance,  
 A quinze, mis au rang des élèuz bienheureux  
 Qui l'auoient accomplie, & parloit avec eux  
 Comme leur cōpagnon, maistre en cette sciēce.*

*Il faut qu'une lecture à la sienne semblable,  
 Ioigne par un seul point les lignes des auteurs:  
 Puis cōparant les dits des vrais & des mēteurs  
 Discerner prudemment le faux du veritable.*

*La peinture plus noble, est celle qu'en idee  
 Le doctē peintre esbauchē au blâc de son esprit:  
 Le poëte a son poëme en l'intellect escrit,  
 Premier que par sa main la plume soit guidée.  
 Pour voir du vray l'image, ains la verité mesme,  
 Et l'idole du faux, sous visages diuers  
 Opposez l'un à l'autre, on doit lire ces vers: (me.  
 Car l'une & l'autre est vaine au marbre de ce poë*



A TRES-HAUT,  
TRES-PVISSANT, ET TRES-  
VERTUEUX PRINCE,

MONSEIGNEUR LE DVC  
DE LORRAINE ET DE BAR.&C.

**M**ONSEIGNEUR,


Si par quelque considération humaine on a  
souuent excusé ceux qui se sont énamouréz  
de beautez à eux inconnües, au seul recit de  
leurs perfections: Et si la passion ainsi legere-  
ment conceüe a peu d'un mouuement violent  
emporter ces amants iusques à l'extremité de  
prodiguer leurs vies pour la gloire de tels ob-  
iects imaginaires: Qui me pourra iustement  
dire indigne de pardon, si rauy par ma veüe  
ie suis deuenu amoureux d'un subiect non  
commun, voire tant admirable en toutes ses  
parties, qu'il est bien permis du Ciel à plu-

seurs d'en imaginer l'excellence; Mais à fort peu de la comprendre? Or comme ces vieux Paladins eussent dégradé de l'Ordre de Cheualerie celuy qui eust veu offenser sa Dame, sans employer ses armes à la deffenſe de son honneur; Je croirois meriter la mesme honte, si coupable du mesme crime j'aurois, en me taisant, approuué les blasphemes proferez en public contre la Vierge que ie fers par vn presomptueux Sophiste; qui iettant de dépit aux orties le blanc & candide froc des Philosophes, s'est voulu acquerir rang honorable entre les doctes, en contre-faisant l'Aristarque; & de la Ponce de certains vers maigres & mal limez, essayant d'effacer du liure de vie le nom de cette Nimphe, & de tous ceux qui l'ont aymec. Le vif ressentimēt de cette iniure a donc tellement desbordé mon fiel, qu'en l'excés d'une impatiente & trop legitime douleur j'ay voué à cette belle, & aux Manes de tant de glorieux Heros qui l'ont idolatree, de venger leur commun affront; & d'opposer aux armes friuoles dont ils sont ignoramment ou malicieusement attaquez, les nues naïfuetez de mes conceptions; forées de la plus pure & mieux trempée estoſſe de cent auteurs illustres, à qui ie doy l'honneur de mon penible apprentissa-

ge. Et d'autant qu'Apollon, comme Prince de ma naissance, destina mon aage au seruice des Muses ( qui iamais ne m'ont desnié l'entree de leur Sanctuaire) i'ay bien voulu en requierir la benediction; & prendre dans leur sacré Arsenal les mesmes bastons dont l'enemy s'estoit seruy. Avec lesquels i'estime l'auoir reduit à tel point, qu'il ne se hazardera iamais de retourner sur les rangs, pous y quereller avec moy les lauriers de cette victoire: non plus que l'honneur des bonnes graces de vostre ALTESSE, si par le prix d'une sincere & seruente deuotion elles se doiuent acquerir. Elle recevra donc, s'il luy plaist,

Monseigneur, l'histoire de cette guerre philosophique, avec l'inuiolable vœu d'une perpetuelle fidelité, que luy dedie

Son tres humble & tres-  
obeyssant seruiteur,  
DE NVISEMENT.



## SONNET.

**D**essus le double mont consacré aux neuf Sœurs,  
 Les Lauriers, peu cueillis, trop espais de brâchage,  
 Estouffent maintenant d'un suffoquant ombrage,  
 Le parfum & l'esmail des immortelles fleurs.

*Un million d'amants aspirans aux faveurs;  
 De ces neuf Déeses y vont leur faire hommage;  
 Sans qu'à peine un seul touche à ce sacré feuillage,  
 Qu'elles donnoïent aux vieux pour prix de leurs labeurs.*

*Cette tourbe usurpant le saint nom de Poètes,  
 (Nom sans plus convenable aux diuins interpretes)  
 D'une Ryme sterile emplit tout l'univers:*

*Les vieux chantoient en vers des Dieux l'essence pure;  
 Les merueilles des Cieux; les secretz de Nature:  
 Ceux cy ne chantent rien, font-ils donques des vers?*





POEME  
 PHILOSOPHIC  
 DE LA VERITE DE LA  
 PHISIQUE MINERALE.

**E** parle aux entendus : esloignez vous  
 prophanes.  
 Car mon ame s'esleue aux plus secrets  
 arcanes.

*Pour d'une main diuine humainement tracer  
 Mille traits que mille ans ne pourront effacer.  
 Fille de ce grand Roy qui l'univers tempere;  
 Royne unique du monde, uniuerselle mere;  
 Alme, & sainte nature; animez la clameur  
 Qu'en vostre hõneur i'eslâce encõtre vn sot rimeur.  
 Qui d'un ongle enuieux egratignant Minerue,  
 Pour deshonorer l'Art, tasche à vous rendre serue.  
 Fille de l'Ocean, seconde Deité,  
 Des Dieux & des humains la douce volupté;  
 Et vous Roy de Lemnie, aydez à la vengeance.*

Et puis que cet Impie en commun vous offense,  
 Qu'Apollon & sa sœur de moy ne soient distraits  
 Que l'un prête son arc, l'autre prête ses traits.  
 Pour descocher mon ire aussi dru sur sa teste  
 Que chet sur l'Apennin la grelleuse tempeste.  
 Et vous courrier aellé de ces Dieux le soucy,  
 Comme leur guide dance assistez les aussi.  
 Castaliennes sœurs, neuvaine docte & belle,  
 Du Monarque des Cieux la semence immortelle;  
 Quittez pour m'assister contre cet orgueilleux,  
 De vostre sacré mont les sommets sourcilleux,  
 La source Aganipide, & l'argent vif qui coule  
 D'Enrothe, de Permesse, & de Dirce qui roule  
 Ses flots entrebrisez par les prez fleurissans,  
 Chaque soir refouiez de vos pieds bondissans,  
 Au son du Luth doré que vostre frere touche,  
 Compagnon des accents de sa profonde bouche.  
 Si i'en part des l'enfance à vos saintes faueurs,  
 Soufflez dans mes poulmons vos divines fureurs.  
 S'il abonde en discours, qu'en sentences i'abonde;  
 Et s'il blasphemé en vers, qu'en vers ie le confode.  
 Ainsi de vos lauriers l'anguste summité  
 Braue les ans, la foudre, & la fatalité.  
 Car bien qu'en moy courroux d'attaquer il me fasche,  
 Vn esprit si volage, vn courage si lasche;  
 Qui blasinant indiscret ce qu'il a plus loué,  
 Qui deshonore l'Art où il s'est plus voué,

*Aussi douteux du faux comme du veritable;  
De ses vers & de soy fait vne maigre fable.  
Bien que le papier rouge en maint lieu soit farcy  
De son nom que maint crime a sallement noircy;  
Et qu'apres le trafic d'une vie affronteuse  
La iuste peur le force à la fuite honteuse;  
Je veux ce temeraire au combat appeller,  
Et son outrecuidance en public reueller;  
Afin qu'en l'eau d'oubly le plomb de mes parolles  
Face faire naufrage à ses escrits friuolles.  
Donc, Marsye nouveau, fol calomniateur,  
De l'Art & de Nature ignorant contempteur,  
Oses-tu bien souiller avec tes vers barbares  
La candeur des escrits de tant d'esprits si rares,  
Qui brillans des rayons de la diuinité  
Ornent comme Soleils la sainte antiquité;  
Esperant par tes cris (viëtime hiperboree)  
Abollir vne chose en tout siecle honoree?  
Tu n'es point philosophe, & tu veux toutes fois  
Cette Royne des Arts esclauer sous tes loix.  
Lors que tu fis ton cours ce fut à toute bride,  
Car tu n'as argument ny subtil ny solide.  
Ton babill reuené d'une ostentation  
A pour tout fondement l'auengle opinion  
Du vulgaire imbecile, à qui rien n'est croyable  
Sinon ce que l'usage a prouué veritable!  
Accablant du fardeau d'impossibilitë*

Tout ce que n'a compris son incapacité.  
 Tu dis qu'au long circuit de mille expériences  
 Tu as perdu ton temps, ta peine, & tes despendes:  
 Que tu en as veu mille & mille qui leur bien  
 Par un mesme desastre ont conuertiy en rien:  
 Est-ce un ferme argument, est-ce vne consequence,  
 Que de l'Art ignoré fauce soit la science?  
 Combien ont prodigué leurs moyens & leurs iours  
 A chercher curieux les incognus retours  
 Du mouuement de soy? Combien cherchent encore  
 La carrure du cercle? & si on les ignore  
 Est-ce un poinct assésuré pour maxime recen  
 Qu'Archimede & Euclide oncque nyont rië sceu?  
 Il ne faut pas au pied de l'humaine ignorance  
 Mesurer les secrets de la nature immense.  
 Elle est tant infinie en sa diuersité  
 Qu'il faut pour la cognoistre un aage illimité.  
 Les ans d'Arithenius, voire de Puthagore  
 Les trois siècles conioincts ny suffiroient encore.  
 Mais, dy moy, qui eust meutât d'illustres docteurs,  
 De Rois, & d'hommes saints, d'escrire en imposteurs?  
 Hermes le trois fois grand à qui est deu l'usage  
 Des sept arts liberaux garentis du naufrage,  
 Qui premier dans sa table a cet art insculpé,  
 Fut-il sçauant pippour, ou ignorant pippé?  
 Geber dont l'Arabie encor se glorifie,  
 Que pour son haut sçanoir presque l'on deifie,  
 Grand Roy, grand Philosophe, eust-il voulu mêtir,

Aux despens de sa gloire, & lasche consentir  
 A diffamer son sceptre, & à souiller son ame  
 D'un acte scelerat, digne d'eternel blasme?  
 Morien, dont la vie austere a merité  
 Le tiltre que l'on donne à sa grand probité  
 De bon & de saint homme, auroit-il eu envie  
 D'obscurcir en mentant le lustre de sa vie?  
 Et ses doctes escrits citez en tant de lieux  
 Seroient-ils bien sortis d'un cœur malicieux?  
 Ce grand Thomas d'Aquin que S<sup>t</sup>. nous tenons estre,  
 Si les autres mentoient est des mœurs le maître:  
 Car il escrit comme eux qu'il a sceu, veu, & fait,  
 Ce divin Elixir qui les metaux parfait.  
 Et tant d'autres auteurs dont les celebres plumes  
 Ont escrit en cet art un monde de volumes,  
 Que tu vas, luge faux, condamnant follement,  
 Parce qu'ils vont passant ton foible entendement:  
 Et que ton fresle esquif, où l'ignorance est peinte,  
 Ne fut iamaïs fretté pour voguer vers Corinthe:  
 Supposant que ces noms d'hommes tresrenomez  
 Qu'ont au front tant d'escrits par le mōde semez,  
 Sont autant de gluaux que l'humaine malice  
 Tend aux esprits pippez du sifflet d'anarice.  
 Pippeur, tu ne sonnois cette feinte chanson  
 Quand tu proposois l'œuvre au grand Duc d'Alēçon;  
 Comme pouuant par elle à l'Empire pretendre,  
 Faisant ses marchepieds d'Angleterre & de Flādre.  
 Qu'importe au vin le tiltre ou de Beaune ou d'Ay,

Quand il est excellent? Vn liure est-il hay  
 Pour estre sans auteur, quand il est veritable;  
 Et que sa verité au monde est profitable?  
 Celuy qui d'un œil fixe & d'un esprit tendu  
 Penetrant leur escorce à leur style entendu,  
 Juge la verité d'eux & de leur science.  
 Par le flambant esclair de leur correspon dance.

Or sus, entrons en lice, & de methode & d'art  
 Pour combattre à outrance, arborons l'estendart  
 De ce grād prin.e Hermes; pour voir a qui la gloire  
 A desia consacré les palmes de victoire:  
 Ma trop iuste querelle & mon desir bouillant  
 Sous vn auspice heureux me font estre assaillant.

Dieu, essence premiere, Eternel, impassible,  
 Inuisible, infiny, incompris, indicible,  
 Fut avant toute chose. Et en luy seul estoit  
 Tout, par l'estre ideal que seul il projettoit.  
 Pour principe actuel du bastiment du monde  
 Il fit vne substance en substances seconde,  
 Qu'essence pure & quinte aucuns vont appellant;  
 En qui toute nature il alla recelant.  
 Par luy cette substance en trois fut diuisee;  
 Et de la part plus pure au mesme instant puissee  
 La nature angelique, & le corps glorieux  
 Du haut Ciel empiree, habitacle des Dieux.  
 Puis de la part seconde vn peu moins precieuse  
 Il fit du Firmament la rondeur spacieuse;  
 La Lune, le Soleil, & les corps radieux

*Qui sa grandeur supresme attestent à nos yeux.  
Et de la part troisieme en or moins pure & mode  
Il crea quatre corps pour membres de ce Monde:  
Ou, pour sang il glissa cette quinte vertu  
Dont par eux icy bas tout corps est reuestu.  
Puis de son divin soufffle il donna la naissance  
A la belle Nature infinie en puissance.  
Et pour mieux l'exercer en la production  
Du dessein crayonné dans son intention,  
Il comprit toute Idee en sa premiere Idee:  
Par qui la docte ouuriere en son progrez guidée,  
De cet obiect premier conceuant tous obiects,  
Au moulle paternel forma tous ses proieets.*

*Nature obeissante à l'effect se dispose,  
Et de ces quatre corps tous autres corps compose;  
En leur donnant vigueur, & vie, & mouuement,  
Par l'esprit espuré du cinquiesme element,  
Que des quatre premiers artiste elle alembique,  
Principe & fondement de ce bel art Chimitique.  
Bel Art qui sa maiestresse aide en la surmontant;  
Et ses œuvres d'un siecle achuee en vn instant.  
Bel Art qui seul à l'homme a donné cognoissance,  
Comme on peut tout reduire à cette quinte essence.*

*Dieu donc, Nature, & l'Art, d'unanime vouloir  
Montrent l'infinité de leur triple pouuoir.  
Dieu commande à Nature, & fournit la matiere:  
La Nature l'informe & la met en lumiere:  
Et puis l'Art polissant ce que Nature a fait,*

Le vicieux corrige, & parfait l'imparfait.  
 Tellement que sans l'Art, qui les choses illustre,  
 Leurs vertus languiroiët sans effect & sans lustre:  
 Car Nature ne peut par simples actions  
 Accomplir comme l'Art par preparations.  
 Et de l'Art toute fois la vertu singuliere  
 N'est qu'en l'amendement de la propre matiere  
 En qui Nature a mis ce tresor affluant  
 Qu'en tous corps coposez les Cieux vont insflant.

La Nature est vn ordre & puissance infailible,  
 Que l'esprit incompris de l'incomprehensible  
 Dès le naistre du monde au monde a estably,  
 Pour veoir d'effects diuers son dessein anobly,  
 Produisant, conseruant, & augmentant les choses  
 Que dans sa prescience il reseruoit encloses,  
 De toute eternité à toute eternité,  
 Sous l'insfiny progres d'un proiet limité.  
 Et ce qu'Art on appelle est vn acte incroyable  
 De l'intelleët humain, qui rënd l'homme admirable  
 En l'imitation des naturels effects,  
 Que souuent il corrige, & fait voir plus parfaits.

La terre aux larges fläcs, du germe de ses freres  
 Qui de tout corps phisic sont esgalement peres,  
 Conçoit, nourrit, augmente, en son interieur,  
 L'esprit vniversal du monde inferieur;  
 Qu'en blanche & fine fleur la Nature fait naistre,  
 Et qu'en cristal luyant l'Art nous fait apparoiestre.  
 En sa simplicité, cet esprit general,

Triple vn,



Triple un, est animal, vegetal, mineral,  
Commencement & fin de tout corps corruptible,  
Dont il est la substance & le baulme inuisible.  
Mais s'il plaist à sa mere un corps edifier,  
Et qu'il s'aïlle glissant pour le viuisier,  
Il reçoit la Nature, & le nom de la chose;  
Ou par obeïssance il se methamorphose.  
Il anime tous corps; il les fait vegetter;  
Et selon qu'il abonde, accroistre & augmenter.  
C'est l'Apelle divin, le Peintre de Nature;  
Qui bigarre les fleurs de naïue peinture.  
Qui sans couleur produit cent diuerses couleurs;  
Et confit sans odeur cent diuerses odeurs.  
C'est le Cameleon, c'est l'inconstant Prochee,  
Qui reçoit toute forme & couleur presentee.  
L'on auroit beau sans luy les herbes replanter;  
Semer les grains en terre; & les arbres anter.  
C'est luy seul qui la plante & l'arbre viuifie;  
Qui la graine semee en terre putrifie;  
Qui cause la naissance & la fécondité,  
Selon la chaleur ioincte avec l'humidité.  
En luy seul les vertus de tous les corps consistent;  
Car ceux ou plus il est plus longuement persistent:  
Et ceux où il est moins, comme moins animez,  
Plus subiects à la mort sont plustost consummez.  
La mort ne peut pourtant sa puissance destruire,  
Car la vertu des corps en luy se vient reduire.

Il vit tres-salutaire ou tres-pernicieux,  
 Suiuant l'instinct du corps bon ou malicieux.  
 Un grain de cet esprit, de celeste origine,  
 Pris seul, fait plus d'effet qu'un pot de medecine.  
 Car, bien qu'il soit en elle esgallement diffus,  
 L'impure quantite rend son pouuoir confus;  
 Et la pauvre nature atteinte & abbaue,  
 Du mal & du remede ensemble est combattue.  
 Ainsi de maints docteurs la paresse ou l'orgueil  
 Nos corps auant le terme emprisonne au cercueil.

Ce qui fait que la Parque exerce sa puissance  
 En l'un plus tost qu'en l'autre, est l'impure semence,  
 Et l'aliment impur; auquel on va ioignant  
 Le desordre indiscret: Triple glaiue poignant  
 Dont l'impiteuse saur perçant la foible trame  
 De vos ans mal tissus fait passage à nostre ame.

On lit d'Artephius qu'il s'est glorifié  
 D'auoir mille ans, & plus, la Parque desfié.  
 Et Trismegiste escrit que le frequent usage  
 De sa grand Medecine accomplit un long aage;  
 Conseruant la ieu nesse en sa verte vigueur:  
 Et repoussant des ans l'importune rigueur.  
 Le cacquet insolent de ta langue ennemie  
 Blasonne l'escusson de cette longue vie  
 Des couleurs d'imposture: & desgorgeant son fiel  
 Dit que c'est blasphemer contre les loix du Ciel,  
 Qui a borné nos iours à sept fois dix années.

Mais avec tes raisons sans raison amenees,  
 Je te veux demander pourquoy mille paysans  
 Sans aucun artifice ont passé six vingts ans  
 Pourquoy le Cerf timide; & l'Aigle rauissante;  
 L'inutile Corbeau; la Couleuvre nuisante,  
 Et le Serpent maudit, par Nature enseignez,  
 Ne sont ainsi que l'homme à briebs i. urs assignez?  
 Dieu les auroit il fait de la paste des Anges  
 Pour aux siecles derniers annoncer ses louanges?  
 On tient que l'Elephant adore le Soleil;  
 Et que l'Aigle luy chante un hymne à son resueil:  
 Mais il n'est animal, quand cet Astre l'esclaire  
 A chercher par les champs sa pasture ordinaire;  
 Et reschauffe de l'air la froide humidité;  
 Qui ne donne un signal de sa felicité;  
 Car il n'est creature au monde si discrete  
 Qui estouffe sa ioye en la tenant secrette;  
 Mais quand le triste huiuer herisse de glaçons  
 Les chāps & les forests, on n'oit plus ces chansons:  
 Chacun de dueil atteint muettement lamente  
 Sa pasture rauie & la chaleur absente.

O Muses qu'elle erreur pleine d'absurdité,  
 D'attribuer à l'homme un poinct de deité,  
 Et le proclamer Roy de la terre & de l'onde,  
 Si priué de tous biens en tous maux il abonde:  
 Et si les animaux à son ioug destinez,  
 Avec plus de franchise & de grace estoient nez;

*Contre nos milliers d'ans (insolent Aristarque)  
Tu prens le fer trenchant de l'antique remarque  
Des ans Egyptiens, ourdis du peu de iours  
Que la Lune demeure à parfaire son cours.  
Mais si d'Artephius & du triple Mercure  
Les ans n'estoient que mois, comme ton imposture  
Vomit contre l'honneur de cet Art sans pareil,  
Ils n'auroient pas cent ans veu les rays du Soleil:  
Et cherifs trop à tort ialoux de leurs fortunes  
Fascherions nous le ciel de plaintes importunes.  
Ceux des ciecles premiers qu'on dit auoir vesçu  
Depuis que du peché Adam fut conuaincu,  
Sept, huit, & neuf scès ans, les cōtoiet ils par Lunes?  
Leurs benedictions eussent esté communes,  
Veü que plus esloignez de l'estre plus heureux,  
Ils s'e void parmy nous viure autāt & plus qu'eux.  
Ie te laisse (ô Zoille) avec tès ans lunaires,  
Pour suiure nos mājears couronnez d'ans solaires,  
Qui meus par le miracle à l'admiration,  
Et puis par la merueille à l'imitation;  
Considerant l'effect des vertus naturelles  
Que la racine, l'herbe, & la fleur ont en elles,  
Par qui les animaux de leur instinct conduiet,  
Retardoient les horreurs des eternelles nuitets,  
Ils feirent des Metaux la vraye anatomie;  
Viuisant par Art leur vigueur endormie;  
Vigueur que prend du Ciel l'esprit vniversel,*

*Eternel en puissance; & en acte immortel.  
Qui t'auroit sans ambage enseigné leur mystere,  
Dont ta seule ignorance est le pire aduersaire;  
Après que de l'extase on t'auroit resueillé,  
Tu t'esmerueillerois de t'estre esmerueillé;  
Car du moindre artisan l'œuvre la plus facile,  
A celuy qui l'ignore est aussi difficile.*

*Ce qui les a fait prendre à ces corps ponderoux  
C'est la longue action qu'ont les Astres sur eux:  
Rendant leurs elemens si bien collez ensemble  
Qu'ils resistent à tout ce qui tout desassemble.  
Il n'est corps si petit où cet esprit ne soit,  
Qui des corps radieux l'influence reçoit:  
Et tant plus la matiere est tendre & delicate,  
Et plus cette influence infuse se dilatte.  
Mais ce qui dure peu ne sçauroit endurer  
Ce qu'endure le corps qui peut long temps durer  
Les herbes & les fleurs en peu de iours perissent,  
Et les Astres sur eux ce peu de temps agissent.  
Ils ont force matiere, & de forme bien peu.  
Beaucoup de terre & d'eau, bien peu d'air, point de  
Voila ce qui les rend plus soudain perissables. (feu.  
Les corps des animaux se trouuent dissemblables;  
Car beaucoup mieux pourueus du pl<sup>9</sup> noble elem<sup>en</sup>t,  
Comme mieux animez vivent plus longuement:  
Et plus long temps repeus des viandes celestes  
Ont leur baulme plus propre aux accid<sup>en</sup>ts funestes.*

Les Gemmes, pour les grands, d'exceſſive valeur,  
 L'une pour ſa duré, l'autre pour ſa couleur,  
 Recevant plus l'aſſeſt des flammes immortelles,  
 A l'envy pou. roient eſtre auſi bonnes que belles;  
 Mais leur baume de vie où loge la bonté  
 Eſt par la ſeicheſſe eſcint & ſurmonté.

Les moyens Mineraux, auortons de Nature,  
 Abondent plus en ſel, en ſouphre, & en Mercure;  
 Et ces trois Elements dont ils ſont compoſez,  
 Comme par un long aage aux Aſtres expoſez  
 Font contre certains maux des effets incroyables.  
 Les Metaux imparfaits beaucoup plus venerables,  
 Aspirant à l'Eſtat, comme Princes du Sang,  
 Semblent bien meriter de tenir autre rang:  
 Toutes fois leur puſſance a des bornes certaines,  
 Par les impuritez qui infectent leurs veines:  
 Et parce que ces feux qui les vont animant  
 Influent en chacun quelque effet ſeulement.

Si des Aſtres ſans plus l'ordinaire influence  
 Parfaict en cet eſprit la ſupreſme excellence;  
 Le corps qui plus long temps l'aura peu recevoir  
 Sera par conſequent plus parfaict en pouvoir.  
 Et ſi du Ciel brillant l'eſtoille plus petite  
 A pour ſon influence un pouvoir ſans limite;  
 Le Roy des clairs flambeaux qui ce biē leur depart  
 Doit auoir la plus grande & precieufe part.  
 Tu ne ſçauois nier ſans coulpe d'impudence

*Que chacun donne à l'or mille ans pour son enfance;  
Et que pendant le cours de sa minorité  
Iupiter & Phœbus prennent l'autorité  
De regir ce pupile. Or voulant qu'on escœure  
Leur puissance insaisie en ce petit chef d'œuvre;  
Ils l'ont fait si esgal en tous ses elements,  
Que l'excès impiteux des fureurs plus vehemens  
Au lieu de le destruire est sa douce pasture:  
Que l'eau, la terre, & l'air, par route ou pourriture  
Et par tout autre effort, perdroient leur action  
S'ils cuidoient faire breche à sa perfection.  
Si donc des elements les choses mieux formees  
Sont par leurs geniteurs hors mis l'or difformees;  
Qui m'osera nier que dans l'or precieux  
Ces Dieux n'ayent logé le comble de leur mieux?  
Et que tresjustement la voix des philosophes  
A nommé l'or sans plus, l'estoffe des estoffes  
Dont le sage construict son secret bastiment;  
Car de l'or la semence est en l'or seulement?  
Semence precieuse; esprit incomparable;  
En qui Nature imprime vn effect incroyable;  
Après que le corps mort par l'art est ramené  
Aux principes seconds dont premier il fut né:  
Si toute la nature au Soleil est diffuse;  
Si route sa Nature il a dans l'or infuse;  
L'or seul pourra donc estre vn remede à tous maux,  
Guarissant la Nature en tous les animaux;*

Pourueu qu'on le reduise en telle consistance  
 Qu'il se puisse conjoindre à l'humaine substance.  
 Il chassera du cœur toute contagion:

Empeschera le sang de putrefaction:

Augmentera le baume & l'humour radicale:

Maintiendra la chaleur en temperance egale:

Consummera du corps la superfluité:

Purgera du cerveau la froide humidité:

Rallumera des sens la vigueur alentie:

Et bres nous fera viure une parfaite vie.

Tu dis que nous naissons seulement pour mourir;

Et fuyant le trespas ne cessons d'y courir:

En ce lieu ta sentence est pleine d'ineptie,

Et ne faut pour cela le don de prophetie.

Ignorons nous que l'homme est cōme n'estant pas;

Et que le iour du naistre est veille du trespas?

Cesont propos communs des ames plus grossietes.

Hermes illuminé d. s plus claires lumieres

Du Ciel & de Nature, ignoroit il qu'un iour

Il faudroit qu'il changeast de vie & de seiour?

Il ne laissa pourtant d'enquerir & d'apprendre

Ce bel Art qui pouuoit presque immortel le rendre.

Situés las de viure, aleché de l'espoir

De voir un plus beau iour, hyste ton dernier soir

Comme fait Cleombrote; & ton ame immortelle

Mene au chāp Elisee une vie plus belle. (Dieux

Pour moy j'ayme ce monde, & fais priere aux



Qu'eureux j'y puisse viurer n pauvre siecle ou deux;  
Puis chanter en mourant quelque himne de liesse  
D'auoir peu si long temps combattre la vieillesse.  
Non pcurtant que j'espere immortel deuenir  
Puisque ce monde mesme vne fois doit finir.  
Les ans aux dèis d'acier rongeront ma despouille,  
Puis qu'ils rongēt l'acier avec des dents de rouille.  
Mais cōme on peut l'acier quelque tēps maintenir,  
Mon corps se peut vn temps par art entretenir.  
L'eau tōbāt goutte à goutte en fin caue le marbre,  
Et pourrit peu a peu le cœur du plus gros arbre:  
Mais ce sont accidents que l'Art peut retarder  
Quandon veut à couuert avec soin les garder:  
Car souuent d'un grand mur viēt la ruyne entiere  
Par l'impreueu malheur d'une simple gouttiere.  
Tant plus l'ame bien née habite ces bas lieux  
Plus elle fuit la terre & s'approche des Cieux;  
Car du fais des pechez son dos elle descharge  
Par mille charitez qu'exerce sa main large.  
La sieure de Tantalle est au cœur des humains,  
Ils ont des fleuues d'or qu'ils puisēt de leurs mains  
Mais quād l'ardeur mortelle allume en eux sa rage  
Ils pleignent à leur soif vn doigt de ce breuuage.  
Comme si les ducats par arches entassez  
Rachettoient de Pluton leurs seigneurs trespassez.  
Plus que la Royauté la vie est desirable,  
Et n'est à la santé nul tresor comparable.

Tu veux que nos docteurs ne soiēt point ignorās  
 De ce remede exquis, puisqu'en leurs restaurans  
 Ils font bouillir de l'or suivant l'usage antique,  
 Ils suivent bien la lettre & non le sens mystique  
 De leurs diuins ayeulx qui n'ont pas entendu  
 Que l'or par tels bouillons soit potable rendu.  
 Autāt y vaudroit mettre vn marbre, ou vn porfire,  
 Que ce corps dont cette eau nulle vertu n'attire.  
 Et ne sont moins frustrez de leurs intentions  
 Quand ils meslent sa poudre en leurs confectiōs;  
 Car ce que la chaleur de l'estomach peut cuire  
 Peut naturellement en Chille se reduire:  
 Mais pour l'humaine ardeur l'or est trop endurcy:  
 Et tout tel qu'on le prend on le remet aussy.  
 L'or substantive Nature, & luy donne aliegeance  
 Quand il luy cōmunique & adioint sa substance:  
 C'est pourquoy l'Alchimiste expert en son mestier  
 Remet ce corps solide en son estre premier:  
 Car toute medecine excellente & louable  
 Doit estre vn seul fusible, ou chose au sel semblable.  
 Si l'auteur des destins en moderant ses loix  
 Auoit au moins permis qu'on peust naistre deux fois:  
 Mais vn coup & non plus l'homme monte à la vie,  
 Qui cent fois tous les iours luy est presque rauie.  
 L'ambition, l'orgueil, & la temerité;  
 Le haut desir d'atteindre à l'immortalité;  
 La bruslante auarice, & les terreurs paniques

*Que maints fols vont paissant d'humeurs mélancoliques  
Exercēt contre nous leur tyrannique effort, (ques;  
Et causent plus de morts que l'ordinaire mort.)  
Dresse opinion, Royne des fantasies,  
Qui peints aux cerueaux seules tes verites frenaisies,  
Loges l'honneur & l'honneur aux lieux plus perilleux;  
Que tu produis en nous des effets merueilleux!  
Les enfers t'ont fait naistre vne Atropos seconde  
Pour peupler leurs deserts, & desserter le monde.*

*Miserable gouteux qui vis pis qu'en Enfer,  
Que te sert ce metal dans vn coffre de fer,  
Ou que son riche lustre en tes meubles éclatte,  
Si tu maudis ta vie en vn lit d'écarlatte?  
Te vaudroit il pas mieux ce corps rarifier;  
Par l'esprit tirer l'ame & la mondifier;  
Puis à douce chaleur d'art facile, & possible,  
Faire de ce mélange vn sel fix & fusible?  
Tu aurois cet esprit qui va l'or animant;  
Des imparfaits Metaux le parfait aliment:  
Tu aurois l'or réduit à l'essence premiere,  
Qui iamais ne retourne en sa masse grossiere.  
Mais tu es faciné de tel enchantement,  
Que si quelqu'un t'offroit ce saint médicament,  
Et que ton Medecin t'en deffendist l'usage;  
Tu souffrirais plustost la Plutonique rage  
Qui te tient pour ta vie en vn lit attaché,  
Que voir en guarissant ton Medecin fâché.*

O cher fils du Soleil comment pourroit-on faire  
Pour à ton los sacré dignement satisfaire?

L'Orphee des François sur sa Lyre a chanté  
Un hymne en ton honneur; mais il s'est contenté  
De dépeindre ta robe, & de proprement dire  
Tes communes vertus que le vulgaire admire.

Que sa Muse pardonne à ma temerité;

Je veux d'un ton plus haut chanter ta deité;

Et faut bien que j'oppose aux puissantes cohortes

Qu'on arme contre toy, des legions plus fortes;

Afin que les Lauriers pour ta gloire aprestez,

Te soient cōme vainqueur sur le champ apportez:

Si que tout aduersaire apprenant la maniere

Du Parthe qui bataille en tournant le derriere,

N'ait espoir qu'en la fuite; & craignāt tes regards

E lance à coups perdus ses inutiles dards.

Ton pere lumineux t'a remply de lumiere;

De Majesté, d'Empire, & de puissance entiere,

Sur l'œil, l'ame, & l'esprit, des aides mortels.

Autant qu'il est de cœurs, tu as autant d'Autels

Où l'on t'append des vœux; où l'on te sacrifie,

Industrie, labeur, amour, honneur, & vie.

Tout ainsi que les Cieux n'ont tous qu'un seul So-  
Tu es unique en terre, à ton pere pareil. (leil;

Chercher ailleurs qu'en toy ta puissance supresme;

C'est chercher le soleil ailleurs qu'au Soleil mesme;

Du serf, non du seigneur, vouloir prendre la Loy;

*Et colloquer l'esclave au trosne de son Roy.  
Car de toy seul dépend leur gloire & leur fortune.  
Par destin toutes fois vn d'entr'eux t'importune;  
Debillitte ta force; auillit ta beauté,  
Exerçant tous efforts d'ingrate cruauté:  
Sans qu'il puisse pourtant ta Nature destruire.  
Car ta mere pïense au besoin sçait reduire  
En leur estat premier tes membres separez:  
D'un lustre plus illustre enrichis & parez.  
Bien que la bonne mere en faisant cet office,  
A ses serfs, de son fils face le sacrifice.*

*Mais c'est pour t'agrandir outre l'infinité:  
Et tirer de ta mort leur immortalité.  
Car si tu ne mourrois tu ne pourrois renaistre,  
Pour les rēdre aussi grāds que grād tu sōulois estre:  
Et te dire Monarque, Empereur, Roy des Rois,  
Courōnant tes subiects, puis leur donnant tes loix.*

*Je vays donc attaquer l'obiection commune  
Que nostre ennemy trempe au fiel de sa rancune.  
Il dit que par miracle à Dieu tant seulement  
Appartient le pouuoir de faire changement  
D'une espece en vne autre, & que l'Oracle antique  
D'Aristote, l'affirme en sa Metaphisique:  
Mais il tronque le texte, ostant l'exception  
Qu'au lieu mesme il refere à la reduction  
De tout corps conuertible en premiere matiere:  
Et n'a iamais compris l'intention derniere*

*Des sages Inuenteurs de l'Art qui va muant  
En vermeil & par or le plomb noir & puant.  
Si pour faire vn moyen deux extremes se rangēt;  
Si les quatre elemens l'un en l'autre se changent  
Vnissant dans vn corps leur contrarietez;  
Les Metaux tous pareils en leurs natiuitez,  
Bien que quelque accident les rende dissemblables;  
Estant les accidens du subiect separables,  
Leur deffault naturel par nostre Art reformé,  
L'un sera sans miracle en l'autre transformé.  
Le Verrier fait biē plus, qui n'est ny Dieu ny Ange,  
Lors que dans sa fournaise en luisāt verre il chāge  
La soude, la fougere, & le sal le menu,  
Qui verre par Nature onc ne feust deuenu.  
I'en puis dire vne preuue encor plus admirable;  
Au vulgaire douteuse & pourtant veritable;  
Tant Nature se ioue en diuerses facons:  
Vn paysan m'a fait voir nombre de Limaçons,  
Conuertis soubz leur forme entiere & aparante  
En Marcasite d'or pesamment eclatante.  
Et le fameux PLATERE honneur Heluesien,  
De son temps le plus docte & le plus ancien,  
Entre cent raretez dont il rendoit confuses  
Les ames qui entroient au seiour de ses Muses,  
Il monstroit vn long pieux massiuement espois,  
Dont le tiers estoit fer, l'autre tiers estoit boys,  
L'autre tiers estoit pierre; & de ce cas estrange*

*Il accusoit le lieu qui la matiere change.*

*Ainsi le grand Albert escrit que quelques eaux  
En pierres transmuoient brâches, nids, & oiseaux.  
Maints Prelatz, maints Seigneurs, des Illustres de  
Qui depuis quarâte ans ont visité Florâce, (Frâce,  
Attestent que le Prince a dedans son tresor  
Vn clou qu'en sa presence on a changé en or,  
Le plôgeant (embrase) dans vne huille Chimique;  
Dont le sage artisan desguisant la pratique,  
Au Duc persuada que la peine & le coust,  
Luy en deuoient oster le desir & le goust.*

*Qui n'a sçeu le desastre & la tragicque histoire  
Du chetif Bragadin confit en vaine gloire;  
Et du fol Paisserolle aussi ventoux que luy,  
Abusant de l'estude & du labeur d'autruy?  
L'un fut l'estonnement des sages Magnifiques,  
Qui en gardent raiis les fameuses reliques:  
Et l'autre de merueille attira hors de soy  
Pendant Charles neufiesme & la Court & le Roy:  
Vne sinistre mort fut le fruiet de leur pompe;  
Est il pas vray trompeur, qui soy mesme se trompe?  
Croyant qu'avec la poudre ils auoient le secret,  
Leur honte couronna leur orgueil indiscret.  
Combien de gens d'honneur feroient foy solemnelle  
Dès transmutations du Belgien Vanguelle:  
Du Saxon Inderôure: Et du Craconitain;  
Qui se masquant du nom de Cosmopolitain*

*Voyage par le monde, avec suite honorable;  
 Et pour mōtrer que l'œuvre est siëne, & veritable;  
 Joint aux effets diuins les sublimes discours  
 Qu'il vouë aux curieux qui en l'art fōt leur cours?  
 J'ay veu des deux premiers les deux preuues pre-  
 Qui ont illuminé mes cōfuses lumieres; (mieres  
 Et benis le premier de m'auoir conseillé;  
 Le second, & le tiers, de m'auoir deſillé.*

*O toy, qui que tu ſois, vray Citoyen du monde:  
 Qui au monde as donné la riçheſſe ſeconde  
 De ton eſprit celeſte en tes diuins eſcrits;  
 Je t'aduoue & te nomme vn Phenix des eſprits:  
 Puisqu'en la pureté de ton ſçauoir ſupreſme  
 On ne peut t'eſgaller ſinon avec toy meſme;  
 N'ayant comme les vieux, enuie tes neuueux:  
 Auſſi eſtu le temple & le ſainct de mes vœux.  
 Ce qui fait qu'aujour d'hy toute l'Eſcoſſe admire  
 Le valeureux & doct̃e Alexandre Napire,  
 Cheua lier du grand Roy, Baron de Marquiſſon;  
 De qui le premier poil dore encore le menton;  
 C'eſt qu'outre les vertus auſquelles il ſuccede,  
 (Vray ſils d'un parfait pere) il eſt vray qu'il poſſede  
 Comme vn don paternel hautement & en paix,  
 L'Elixir, & le feu qui ne ſ'eſteint iamais.*

*J'ay veu ſiuer l'Acier ainſi qu'une onde vine;  
 Alors qu'étincelant par chaleur exceſſiue  
 A la bille de ſouffre il eſtoit oppoſé:*



*J'ay veu de ce meſlange vn ſaffran compoſé,  
Dont vn poids mis en l'eau tellement ſe dilatte,  
Qu'il en teint mille poids en couleur d'écarlatte:  
Couleur que de l'eau claire on ne void de ſunir,  
Ny meſme avec le temps moins rouge deuenir.  
Si du ſouffre & du Mats l'imparfaicte tincture  
Se ioinct ſi fort à l'eau qui n'eſt de leur nature,  
Eſt-ce choſe impoſſible à noſtre or exalté,  
Et fait plus que parfait preſqu'en infinité,  
D'eſpandre ſa couleur dans les corps metaliques  
Pour les rendre à iamais temples de ſes reliques,  
Puiſque le patient eſt ſemblable à l'agent?  
En ſon corps volontiers l'ame ſe va logeant.*

*Ce Docteur reuolté qui d'une main cruelle  
Impie a maſſacré l'Alchimie immortelle;  
Et d'ongles & de dents luy deſchirant le flanc,  
Se teint muſfle & mouſtache au bouillō de ſon ſang;  
Soit en Loup, ſoit en Aſne, a beau hurler & braire,  
Puiſque la verité luy eſt du tout contraire;  
Il faut que ſon pardon & le tien demandant,  
Avec toy il ſ'aduoue ignare & impudent.  
Le but vniuerſel de la vraye Alchimie  
Eſt d'oſter aux Metaux une impure cadmie,  
Qui leur pure ſubſtance empêche en l'infectant  
D'arriuer au ſommet où la nature tend.  
Puis ioindre en ſecourant leur nature affligée  
Au ſouffre tres-parfait leur ſemence purgée:*

Car le plus precieux est au plus vil metal,  
 En semence premiere & en naissance egal.  
 Vne mere biē saine eut six enfans d'un pere,  
 Dont on veid la naissance egaleement prosperer,  
 Chacun a la mamelle encor fait esperer  
 De voir egaleement leur aage prosperer.  
 Contre cette esperance vn deuint pulmonique;  
 L'autre deuint goutteux; l'autre deuint etique;  
 L'autre fut gianceux; l'autre fut catharreux;  
 Et l'autre en sa santé parfaictement heureux.  
 Apollon fut enquis d'ou procedoient ces vices;  
 Il en blāma le laiēt des impures nourrices.  
 Ainsi, la difference & l'imperfection  
 Des metaux, ne prouient que de l'infection  
 Des soufres corrompans; que doit le pur Mercure  
 Dans les impurs tetins dont il prend nourriture:  
 Et comme on peut guarir ces enfans offligez,  
 Les Metaux peuuent estre accomplis & purgez.  
 Lulle a voulu prouuer par argument vallable  
 Que l'Alchimie est vraye, & saincte, & venerable:  
 Disant que si le but de cet art singulier  
 Est faire or & argent puis les multiplier;  
 Qu'il faut qu'en son subiet on trouue au prealable  
 Or, argent, & Mercure, & vif, & vegetable:  
 Car, comme l'air sur tout a force d'humecter,  
 Et le feu d'eschauffer; L'effect de vegeter  
 Est dans les vegetaux: & le pouuoir supreme

De faire or & argent, en l'or & l'argent mesme.  
Or tout cela se trouue au naturel subiect,  
Que l'expert Alchimiste a pour unique obiect.  
L'or, l'argent, le Mercure, y viennent & vegettent;  
Sous vne vile peau qu'en croissant ils reiettent:  
L'or, & l'argent sont vrais; vray le Mercure aussi:  
L'art qui en fait sa baze est donc vray tout ainsi.

Si l'eau d'une fontaine, en Hongrie coulante,  
Sans aucun artifice est bien si violante  
Que le fer de sa forme elle rend desnue,  
Puis par la seule fonte en cuiure transmué:  
Si l'odeur du plomb seule arreste le Mercure  
En forme de metal qui quelque fonte endure;  
Après que dans le Mars il a bouilly neuf fois  
Auec l'huile d'oliue, ou de lin, ou de noix:  
Si le soufre l'arreste en masse rougissante:  
Si l'Arcenic l'atache en crouste estincelante  
Auec l'ayde du Tartre aux boullies de Venus:  
Si son vol & son cours sont encor retenus  
Par l'esprit du Verdet & de la couperose:  
Pourquoy ne peut nature & l'art faire vne chose  
Qui plus fixe, plus pure, & plus haute en couleur;  
L'arreste & le conduise a l'extresme vateur?  
Qui doute que si l'ame en nostre or viscachée,  
Est par vne main docte auec art arrachée;  
Qu'elle ait fait penitence en la rigueur du feu;  
Puis soit par son esprit reiointe peu à peu

A son corps fait celeste & net de toute ordure;  
 Qu'elle n'ayt au centuple exalté sa teinture:  
 Et qu'ayant eu par Art telle augmentation  
 Elle ne la departe en sa projection  
 Aux siens, & à l'auteur d'où vient leur origine,  
 Pour en or les parfaire; ou bien en medecine,  
 Dont la force inäomptable, a toute eternité,  
 S'ira multipliant iusqu'en infinité?  
 Nous voyons ce miracle en vn autre vulgaire  
 Que le simple rustique est contumier de faire;  
 Lors qu'en vn seau de laiët il mesle industrieux  
 Quelques grains de presure, ou d'un fromage vieux,  
 Que la chaleur assemble, & fait par tout épendre  
 En ce laiët, qu'en fromage aussi tost on void prédre:  
 Qu'estoit cette presure, & ce fourmage encor,  
 Sinon vn laiët caillé; ne plus ne moins que l'or  
 Vn Mercure espais, & confit par nature,  
 Avec vn souffre épars qui luy sert de presure?  
 Qui croiroit, säs le voir, qu'un poinët d'un Scor-  
 Comblast vn Elefant de sa contagion; (p<sup>ro</sup>  
 Et presqu'en vn instant d'une enslure mortelle  
 Excedast sa grandeur & grosseur naturelle?  
 Il est trop veritable: ô combien inegal  
 Est ce petit meurtrier à ce grand animal?  
 Et ce qu'on peut encor trouuer plus admirable,  
 C'est que l'Elefant mort feroit l'effect semblable,  
 Tuant mille Elephans s'ils en auoient mangé;

*Tant ce point, tout ce corps, en venin à changé.  
Les semences du bien sont elles pas és choses  
Comme celles du mal fatalement encloses?  
Et ce qu'un corps mortel, de nature imparfait,  
Soit au bien, soit au mal, sans aucune ayde fait;  
Le corps que la Nature à seul voulu parfaire,  
Plusque parfait par Art le pourroit il pas faire:  
Veu qu'il est composé d'esprit, d'ame, & de corps,  
Egalement unis par differends accords?  
La parole de Dieu n'est ny fable ny songe,  
C'est la verité mesme, & l'effroy du mensonge.  
Il a comme vne loy des le commencement  
De se multiplier fait le commandement;  
Et n'a rien excepté de cette loy premiere,  
Ains diuersifié seulement la maniere.  
L'animal raisonnable, & le brutal aussi,  
Tant masle que femelle, ont vn commun soucy  
D'augmenter leur espece en leur propre semence;  
Dont l'effect naturel dépend de leur puissance.  
Les vegetaux sont bien pour leur production  
En semences feconds, mais ils n'ont l'action  
De l'un en l'autre sexe, & le masle fertile  
Ne fait iamais porter sa femelle sterile.  
La terre est la matrice ou le grain va germant;  
La Lune & le Soleil luy donnent l'aliment.  
Mais ce Roy des Metaux, unique en sa nature,  
Se produict à peu pres comme la creature,*

Il a vne femelle ou gist tout son amour;  
 Sa femelle l'embrasse, il l'embrasse à son tour:  
 Et viuement épris d'une amour mutuelle,  
 Elle se glisse en luy, & luy se fond en elle.  
 Dans la claire matrice en tel accouplement  
 Des deux spermes conioints se fait premierement  
 Vne matiere informe, & comparable a celle  
 Qu'entre les animaux Embrion l'on appelle.  
 Cet Embrion s'anime, & s'en forme en enfant,  
 Qui naist Roy; puis deuiant Monarque triomphāt:  
 Dont l'exquis cri. heſſe, extresme, & perdurable,  
 Le moindre des metaux peut rendre à l'or sembla-  
 Et luy faire porter comme Roy ſouuerain (ble  
 Au front le diademe, & le ſceptre en la main.  
 „ Mais bien qu'il ait en ſoy cette grãdeur ſupreſme,  
 „ Si ne la peut il mettre en aẽte par ſoy meſme:  
 „ Il luy faut le ſecours d'un maĩſtre ingenieux,  
 „ Qui ſçaiche corriger le qui eſt vicieux  
 „ En ſa moitié debile; & qui dextrement ſçaiche  
 „ Extraire le pur ſang qu'en ſes veines il cache:  
 „ Qui le ſçaiche tuer, puis reuiuifier.  
 „ Pour luy faire immortal les ſiecles deſſier.  
 Car ſi du fin dernier les flames rauiffantes  
 Peuent en quelque eſſet demeurer impuiſſantes,  
 Rien ne les doit brauer que ce Roy, qui des Cieux  
 Et des quatre elemens tient le plus precieux.  
 Quoy qu'il ait meritẽ que ce ſeu le moleſte

*Comme insigne pecheur, qui comet double incest,  
Abusant de sa mere & de sa propre sœur  
Quand il se perpetue, & cree vn successeur.  
Vray est que de ce crime il fait bien penitence,  
Alors que de son sang expiant toute offence,  
Il substantive & nourrit, commè les Pelicans,  
Ses freres, ses neueux, sa mere, & ses enfans.*

*Ceux donc qui avec toy priuez de cognoissance,  
Au sang des animaux cherchent cette science;  
Au crachat, aux cheueux, aux sales excrements;  
Aux herbes, aux rassis, aux sels, aux atraments;  
Aux Metaux du vulgaire, encor que du Mercure  
Ils ont comme nostre or tiré leur geniture;  
Aux moyens Mineraux; sont tropèz, veu ce point  
Que nul ne peut donner la chose qu'il n'a point.  
La teinture du sage est fixée, & permanente;  
Qui dissoute & recuite à l'infini s'augmente  
En puissance & en nombre, avec le mesme lait,  
Et le mesme caillé dont le fourmage est fait.  
Quelle vraye tinture, & qu'elle permanense  
Veux tu trouuer ès corps que la flame a puissance  
De reduire en charbons, ou d'enuoyer au vent?  
Mais ie veux plus courtois t'estimer plus sçauant,  
Et te faire vn prophete entre tels heretiques,  
T'arrachant du borbier des labeurs sossistiques.*

*Tu as cognu qu'en l'or gist le soufre parfaict,  
Mais tu as ignoré comme il doit estre extraict.*

*Tu as cognéu le grain, mais ignoré la terre  
 Ou le parfait artiste en sa saison l'enferre.  
 Tu as cognéu la terre & n'as pas sceu trouver  
 Le mystere secret pour la bien cultiuer.*

*Tu l'as bien cultiuee, & n'as pas sceu conduire  
 La chaleur qui peut l'œuure auancer ou destruire,  
 Obseruance ou l'ouurier a besoin d'estre expert,  
 Car le feu est tout l'Art dont Nature se sert.*

*Tu l'as bien sceu conduire, & n'as eu cognoissance  
 Du terme auquel l'enfant doit prédre sa naissance.  
 Tu as veu l'enfant naistre, & n'as appris comment  
 Ni de quelle viande on luy donne aliment.*

*Ainsi tu es de ceux qui dès l'hiver se ventent  
 Qu'ils rempliront leur grâge, & ne semēt, ny plā-  
 Ou bien s'ils ont semé precipitent le tēps; (tēt;  
 Et font impastiens moisson dès le Printemps.*

*Tu dis que sans vser d'un tas de parabolles,  
 On denoit tout escrire en expresses paroles;  
 Car d'ouurer vn chemin ou l'on ne peut marcher  
 C'est donner le desir & l'espoir arracher.  
 O panure Thirese, ô mal'heureux Pbinee;  
 Quel destin conduiroit ton ame facinee?  
 Ta raison affermir à ton desir brutal  
 Voudroit d'un petit biē faire naistre vn grād mal:  
 Car si la dent vulgaire en ce fruit pouuoit mordre  
 On ne vit onc sur terre vn semblable desordre.  
 Tout le monde a souhait riche d'or & d'argent*



*De cent commoditez deuient droit indigent.  
Chacun, nouveau Cresus, fermeroit sa boutique,  
Aborrant le trafic de son Art mecanique.  
Le chetif buscheron dedaignant ses fagots  
Serpe & hache fondue estendrait en lingots.  
Le pescheur diligent a ses fillets destruire  
Arracheroit le plomb pour en or le reduire.  
Le Marechal fondroit enclumes & marteaux  
Le Laboureur voudroit defferrer ses cheuaux;  
Desarmer sa charrue; & Ceres delaissee,  
N'auroit plus d'epics blonds l'eschine herissee.  
Bref le beau siecle d'or iadis tant admire,  
Renaistroit icy bas follement desire:  
Car le glan des forests, avec l'eau des fontaines,  
Seroient de nos festins les douceurs souveraines;  
Nous les servant dans l'or, qui aux yeux plus riât  
Ne rendroit au palais le morceau plus friant.  
Il faudroit aller nuds: & comme les sauages  
Opposer des rouseaux aux celestes orages.  
Tourne donc la medalle, & voy (pauvre Midas)  
Les fruiets de tes souhaits dont tu ne viurois pas.  
Celuy romproit vrayment la celeste ordonnance,  
Et commettrait impie vne execrable offence,  
Indigne d'esperer ny pardon ny mercy,  
Qui ce diuin secret diuulgueroit ainsi.  
Lire que Iupiter conceut contre sa femme  
Voyant consommer Troye a la Gregeoise flame;*

*On contre l'attentat des Geants terrenez:*

*Qui trop yres de rage, & d'orgueil forcenéz,  
Cuidoient les immortels arracher de leurs sieges;  
Lors que le vain effort de leurs mains sacrilges,  
Trauaillant au deſſein de leur rebellion,  
Sur Ollimpe, & ſur Oſſe, auoient mis Fel'ion;  
N'auroit eſté qu'un ſonge: Et pardonneroit ore  
Au voleur qu'un V aultour ſur Caucaſe deuore,  
Pour le mettre en ſa place; ou ſon cœur re naiſſant  
Iroit Aigles, V aultours, & Corbeaux repaiſſant.  
Ou bien le reſeruant pour butte de ſon foudre,  
(Phenix des malheureux re naiſſant de ſa poudre,)   
Il ſeroit chacun iour fondroyé plus de fois  
Qu'il n'auroit peint de mots de ſes iniques doigts:  
Et de tous ſes tourments l'aigreur plus importune,  
Il ſe verroit moqué en ſa tritte infortune.  
Farceur, leue le masque, & à viſage ouuert  
Confèſſe ton deſſein puis qu'il eſt deſcouuert;  
Tu vou drois bien chanter vne Palinodie:  
Mais l'air de l'himne ſainct qu'ores ie pſalmodie  
Eſt de trois tōs plus haut qu'il ne faut pour ta voix,  
Et trop doux pour l'accent de tes rudes abbois.*

*Pour rēdre ta courōne à tes hauts faits ſemblable,  
Tu diſ que ſi cette œuvre euſt eſté veritable,  
Qu'entre tant de milliers d'hommes ambitieux  
Qui ſe ſont appauuris, & ſont deuenus vieux  
Chez cette Calipſon, épris d'une amour vaine,*

*Quelqu'un de qui les cieux auroient beny la peine,  
Ayant la Taprobane & le Perou chez soy,  
Chef de cent Regiments eust fait la guerre au Roy.  
O belle Catastrophe! ô beau trait de Logique!  
Vouloir qu'un Philosophe ayt l'ame tyrannique;  
Et tienne entre des loups de loup le premier rang,  
Versant en sa patrie un deluge de sang.  
Qu'est-ce qu'un Philosophe? un amant de sagesse.  
D'où viennent ces tresors? de Dieu seul, qui adresse  
L'ame droicte & discrete a ce but desiré,  
Ou maint grand & maint docte en vain ont aspiré.  
Te tiendroit on pour sage, ayant cette science,  
Si au prix de ta vie & de ta conscience  
Aspirant de ranger quelque peuple à ta loy,  
Il te faisoit esclave & triomphoit de toy?  
Contre tes argumens fondez sur une glace,  
Je tiens que l'eternel immuable en sa grace  
N'abandonne iamais ses esleus bien aymez:  
Qu'il rend d'amour, de crainte, & de cōstāce armez.  
Au long cours de leur estre il leur sert de pilote;  
Et leur nef assuree en la tourmente flotte.  
Car si le chaud bouillon d'un sang impetueux  
Enfle quelque ieune ame, il la prend aux cheueux  
Comme Pallas Vlissee: & ne luy permet faire  
Chose qui peust contr'elle allumer sa collere.  
Il faudroit supposer un vice en sa bonté,  
S'il n'exerçoit Constant sa libre volonté.*

*V*eux tu scauoir l'erreur qu'ites pareils surmōte?  
*Q*ui de moyens les vuide & les comble de honte?  
*C'*est qu'à peine entre mille vn met l'œil & l'esprit  
*S*ur les diuers auteurs qui cet œuvre ont décrit.  
*L'*vn sçait vne pratique avec souffre & Mercure:  
*L'*autre vn beau mediō qui le l'erēt endure: (nus,  
*L'*vn sçait vn poids pour quinze au blanc sur le Ve-  
*P*ar qui deux grands Prelats se sont entretenus:  
*L'*autre és minieres cherche vn souffre blāc fusible;  
*L'*autre le sçait blanchir, mais il est combustible:  
*L'*vn a le vray secret de l'operation  
*P*our conduire la lune a la fixation; (tre:  
*L'*autre en sçait la teinture à plus de vingt & qua-  
*L'*vn endurecīt l'ēstain, mais il ne se peut battre:  
*L'*vn ioinēt la Lune au sol inseparablement;  
*E*t l'autre la transmue en sol par le Ciment:  
*L'*vn ne veut que vingt iours; l'autre n'ē veut que  
*A*insi chacun se flatte, & de vēt se cōtēte: (trēte:  
*D*ifférents en matiere autant qu'en actions,  
*M*ais fols également en leurs conceptions:  
*P*uisque l'art cōme vn singe imitant sa maistrresse  
*N'*a que le seul subiect qu'elle engēdre & luy laisse;  
*N'*a qu'une proceddure; vn poids; vn feu pareil;  
*E*t fait dans vn vaisseau l'œuvre blanc & vermeil.  
*P*our faire aprētissage en quelque Art il faut estre  
*C*inq ou six ans esclau au ioug d'un fascheux Mai-  
*A* se leuer matin, & se coucher bien tard: (stre;

*Mais pour faire chef d'œuvre en ce précieux Art,  
On plaint un an ou deux; on ne veut rien despendre;  
Eſſerant par miracle, on en ſonge l'aprendre,  
Ainſi que ſur Parnaffe aux frais des lauriers verds  
En dormant Heſiode apprit l'Art des beaux vers.*

*Celuy qui n'a vogué dans les mers ſophiſtiques  
Et paſſé les deſtroits de cent folles pratiques,  
Ne mouille l'ancre au port de la perfection  
Si ce n'eſt par un vent de revelation.*

*Fuſt il un Pithagore, un Plin, un Ariſtote,  
Il doit courir fortune ainſi qu'un Argonaute,  
Parmy cet Ocean de contrarietez,  
Pour deſcouvrir les bancs de mille obſcuritez.  
C'eſt bien quelque aduantage à celuy qui fait voile  
D'auoir le vent propice, & de voir ſon eſtoille:  
Mais dans l'onde Chimique il y a maints rochers;  
Ou ſouuent ont pery maints excellents nauchers.  
Car tel void ſon Eſtoille (encore qu'entre mille  
A peine un la regarde) & luy reſte inutile,  
Parce qu'il n'eſt expert aux operations*

*Qui nous donnent l'entree aux preparations.  
Vieilliſſe qui voudra penché deſſus un liure,  
Deuſt il ſiecles pour ans, voire ans pour momēts vi-  
Et ne met ou fait mettre à l'ouurage la main, (ure,  
Il pert ſon tēps, ſon huile, & ſe tourmēte en vain.*

*Le pauvre Laboureur qui tranſit ou qui ſue,  
Et qui ſes mains empouille en ſerrant ſa charrue,*

*Puis sous vn fresle espoir du profit incertain  
Se nourrit de l'Iuroye & sème le bon grain,  
Mal vestu, mal couché, souvent passe l'année  
Sans renoir vne gerbe en sa grange amenee.*

*Le vigneron sans cesse aux collines beschant,  
Quia dos recourbé col & teste penchant  
Travailletout vn an sans pouvoir d'une grappe  
Faire offrande en Septembre à Bacchus ou Priaptez  
Attend bien l'autre année, & peu certain du fruit  
S'engage à l'usurier qui le ronge & destruit.  
Mais nos petits Cræsus dont l'ame insatiable  
Idolastre le but de cet Art venerable,  
Cillez d'un fol desir, pippez d'un vain espoir,  
Voudroient bien sans bazar d nos lauriers recenoir.  
Si Hermes & Geber dont la cendre on honore,  
Côme nouveaux Phœnix venoient à renaistre ore,  
Et picquez du desir d'assouvir cette faim  
Leur demandoient sans plus le couuert & le pain  
Pour douze ou quinze mois; d'une rare faconde  
Ils respondroient qu'alors on ne verroit au monde  
Viure bestes ny gens; Quoyque ces mois passez  
On ne veist les voyant que des bestes assez.  
La Nature mille ans a faire l'or demeure,  
Et ces veaux n'y voudroient qu'un mois, qu'un iour  
Odoctes auenglez ne vous sùst il pas (qu'une heure.  
Que l'art aydant nature auance tant ses pas.  
Qu'en vn an elle face vne souffreuse poudre*

Qui meurtrit le Mercure ainsi qu'un coup de fou-  
 Chose trop veritable, & que l'œil ayât veu (dre?  
 Criroit pourtant par charme auoir esté deceu.  
 C'est pourquoy maint grād hōme à sceu cette sciēce,  
 Ayant eu pour son Nord l'astre de sapience,  
 Qui faute de moyens en desespoir est mort,  
 Submergé dans sa rade a la veue du port.  
 Car le riche & le pauvre ont un dessein semblable:  
 Mais bien souuēt le pauvre aux Dieux plus agrea-  
 Emporte la couronne à force de veiller (ble  
 Non le riche à souhaict ronstant sur l'oreiller.

Puis, doit on s'estonner si mainte ame balance,  
 Et vague irresolue en la double creance,  
 Si d'ambages conuerts & de propos noircis  
 Les principes de l'Art sont par ruse obscurcis?

L'un nous dépeint un Roy noyé dās sa fontaine,  
 Pour immortel renaistre en grandeur souveraine.  
 L'autre ioinct en la couche un frere avec sa sœur,  
 D'oū doit naistre un nepueu du monde possesseur.  
 L'un irrite un Lion contre une Aigle vollante;  
 L'Aigle le rend volage, & luy la rend constante.  
 L'autre peint deux dragons qui se vont deuorant,  
 Dont l'un d'aellerons d'or va son dos honorant.  
 Puis donnant mille noms a vne mesme chose,  
 Celuy ià cache plus qui plus à plein l'expose:  
 Tout pour desesperer l'ignorant vicieux;  
 Et tant plus alecher le docte ingenieux.

*Car s'ils n'eussent d'erreurs leur œuvre entreteñue  
Le plus simple du monde en vne heure eust scüe.  
Mais voyons la fontaine ou ceux cy ont puisé,  
Et comme l'inventeur l'a premier desguisé.*

*Il est vray, sans mentir, certain, tres-veritable;  
Que ce qui est deffous au dessus est semblable:  
Pour d'une chose seule accomplir des effects  
Que par secret miracle on croiroit estre faits.  
Et comme du seul Dieu la pensee profonde  
D'une chose à produict toutes choses au monde;  
De cette chose unique ont pris leur estre aussi  
Par adaptation toutes choses icy.  
Phœbus l'a engendree, & Phœbé enfantee.  
Le vent comme matrice en ses flancs l'a portee.  
La terre est sa nourrice; Et de tout l'univers  
Le pere des tresors est compris en ces vers.  
Avec douceur constante & d'artifice rare,  
Sans violence ou haste, il conuient qu'on separe  
Le subtil de l'espois, & la terre du feu.  
Lors elle monte au Ciel & descend peu à peu  
En terre; ou elle acquiert les deux vertus ensëbles;  
Qu'un neud indissoluble estroittement assemble.  
Si on la mue en terre entier est son pouuoir;  
Et rien pareil en force au monde on ne peut voir:  
Car de son odeur seule elle tue & renuerse  
Toute chose subtil; & les dures transperce.  
Ain si fut fait le monde, & a ces actions*

*Admirables*



*Admirables seront les adaptations.*

*Ainsi sur tout desastre emportant la victoire*

*Tu iras triomphant du monde & de sa gloire*

*J'ay l'œuvre du Soleil plainement reuélé;*

*Aussi suis-ie Hermes Trimegiste appelé;*

*Comme ayant les trois parts de toute sapience.*

*Ce centre est conuenable à sa circonference:*

*Car ce principe ombreux, noir d'ambiguité,*

*Est l'obscur lanterne où luit la verité; (res*

*Qu'on ne peut discerner qu'entrant aux sanctuair-*

*D'un miliõ d'Auteurs qui font ses cõmentaires.*

*C'est le tige fecond de tous ces grands Rameaux;*

*Et l'immence Ocean de tous ces gros ruisseaux.*

*A l'exemple du pere, esconte la parolle*

*Des fils, que Pithagore en ses troupes enrolle.*

*Prends cela & cela; fais ainsi & ainsi:*

*Et tu auras cela. Si tu n'entens cecy,*

*Conioinets l'eau & le feu; le soulfre & le Mercure;*

*Et mets tousiours Nature en sa propre Nature.*

*Ou bien ioinets en vn corps la Lune & le Soleil;*

*Et puis faits banqueroutte à tout autre appareil.*

*Fais de deux corps vn cercle, & du cercle vn qua-*

*Ramene ce quarré en forme de triangle, (drägle*

*Et puis de ce triangle vn cercle estant refait,*

*Tu auras aux statuts de cet art satisfait.*

*Que ton rouge blächisse, & que ton blanc rougisse,*

*Et tu auras de l'œuvre accomp'y l'artifice.*

Fais avec son esprit ton corps spirituel;  
 Et par le mesme corps cet esprit corporel: (dre;  
 Puis dās cet esprit corps, fais leur propre ame infō-  
 Et tu auras vn bien que rien ne peut confondre.  
 Le corps n'agist au corps; ny l'esprit en l'esprit:  
 Iamais forme de forme impression ne prit:  
 Matière de matière: & n'est rien plus probable  
 Qu'un semblable ne prend la loy de son semblable.  
 Mais il faut s'exposer au choc de mille maux,  
 Il faut pour y monter l'eschelle des travaux.

Lire vn liure cent fois, par vn autre l'entendré.  
 Son bien, son temps, sa peine, auancer & despèdre.  
 Car nature & le Ciel ne plantent ces lauriers (ers,  
 Pour les ieunes Soldats, ains pour les vieux routi-  
 Non que tous les vieillards obtiennent la courōne;  
 Mais ceux à qui Dieu seul par merite la donne.

Combien de beaux esprits d'abus empoisonnez,  
 Apres la Sandarāque ay-ie veu addonnez:  
 Poison qu'ils surnommoiet la Royne des minicres,  
 Idolastrant ce nom iusqu'aux heures dernieres,  
 Parce que la Sibille en ses vers a prescrit  
 Que le subiect doit estre en neuf lettres escrit.  
 Figure, enigme, ambage, oracle véritable,  
 Car c'est nostre Arsenic, qui d'Art emerueillable  
 Est arraché des reins du frere, & de la sœur,  
 Par les ongles poignāts de l'aigle rauisseur.  
 L'un a tenu vingt ans vne lampe allumee;

L'autre douze; & tous deux n'ont rien vu que fume.  
 Ces esprits transcendans ailleurs sont à priser;  
 Mais c'est vice en cet Art de trop subtiliser:  
 Se voulant peindre en l'air maints succès impossibles  
 Et frayer des sentiers en lieux inaccessibles. (bles  
 Il faut par les raisons, & d'un iugement sain,  
 Considerant Nature imiter son dessein.  
 Fuyr les lieux ruineux, & les voyes obliques  
 Où nous vont esgarant les labeurs sophistiques.  
 Il faut marcher sans crainte au chemin naturel,  
 Asse, commun, certain, droit, & continuel.  
 En fin quittant Icare, il faut suivre Dedalle;  
 Volland entre deux airs d'elle tousiours egale.  
 Quoy qu'on puisse au labeur pere & fils appliquer,  
 Si l'on sçait biẽ leur fable au vray sens expliquer.  
 Dedalle est le corps double en son premier meslage,  
 Lors que la terre lourde en se dissolvant, change  
 Sa nature grossiere, & monte en s'esleuant  
 Sur les elles de l'eau, non de l'air ny du vent.  
 Ce ieune audacieux, cet insolent Icare,  
 Qui d'un vol plus hardy pres du Soleil s'esgare;  
 Qui void fondre sa Cire & ses bras desplumer;  
 Puis dans la Mer qu'il nõtme en tombat s'abismer:  
 C'est l'esprit qui son corps dans les ondes de laisse  
 En ayant rauy l'ame: & de monter ne cesse  
 Tant qu'au hault de son Ciel peu a peu parvenu  
 Il retombe en la Mer d'oũ il estoit venu.

*Fable que dès long temps le grand Moïse a teinüe  
 Au pourpre Hermionique de son histoire Saincte,  
 Quand il dit que la voix de l'Artiste immortel,  
 Baïssant l'Vniuers son chef d'œuvre eternal,  
 Separa l'eau de l'eau; pour de la plus grossiere  
 Faire en l'espaississant la terre nourrissiere:  
 Et que la plus subtile il meit au firmament,  
 Qui se forme en rosee, & coule incessamment  
 Par les yeux de la nuit sur la terrestre masse,  
 Où du Soleil luyssant l'esponge la ramasse.*

*Mais combien vont encor l'antimoyne adorant  
 Comme leur Dieu Chimique; & tiennët ignorant  
 Celuy qui ne se pisme en merueille si rare,  
 De voir que le Soleil le calcine & prepare,  
 Voire augmente son poids s'il va sur luy dardant  
 Ses rayons enflammez par le miroir ardent?  
 Et quand mon souuenir mes erreurs me tesmoigne,  
 Je pallis de tristesse & rougis de vergongne  
 D'auoir tant negligé l'Ange des bons auteurs,  
 Pour croire aux faux demös des traitres imposteurs  
 Race inique & maudittë, engeance de Harpie;  
 Infectant & völlant quiconque en eux se sie.  
 L'esprit vniuersel, où maint esprit confus  
 Avec moy s'est pippé, fut mon premier abus.  
 Je l'ay noircy, blanchy, & rougy en vne heure:  
 Mais nulle impression aux metaux n'en demeure.  
 Quoy qu'il soit esprit, corps, cuit & rubifié,*

*Il demeure impuissant s'il n'est spécifié:  
Car propre a toute espece il reçoit toute forme;  
Et serf de tous subiects en tout il se transforme.  
Quittant ce fol dessein ie me suis, peu ruzé,  
Aux metaux du Vulgaire vn long temps amusé;  
Souillant cet art sacré de pensees prophanes.  
Car i'ay mis Sol & Lune en liqueurs diaphanes,  
Et cuits avec Mercure à tres lente chaleur:  
Mais cet ingrat trauail fut de mesme valeur;  
Nature veut Nature, & l'espece l'espece;  
Aborrant au congrez la semence diuerse.  
Celuy ne peut pas rendre vn pays bien peuplé  
Qui a masle avec masle au coit accouplé:  
Crime contre Nature, & faute abominable,  
Que tout le feu d'enfer d'expien n'est capable.  
Ainsi maints voyageurs par la nuit de suoyez,  
Trompez des fols ardans en vn lac sont noyez.*

*Or si de ces faux Dieux tu as creu les oracles  
Qui pisseurs t'ont rendu odieux nos miracles;  
Deteste les conseils de ces pernicioeux,  
Comme peste infernale & maudisson des Cieux.  
Puis toy mesme appellant de tes sentences folles,  
Agenoux avec moy vien dire ces parolles:  
O science diuine, o surnaturel Art,  
Que Dieu comme par grace à ses esleus depart;  
Des malheurs de la vie unique & prompt remede;  
Qu'on peut bien dire heureux celuy qui te possede,*

Et qu'il fut d'un bon Astre aperceu en naissant:  
 Puisque tant de tresors dont il est iouyssant  
 Prouiennent de sa peine & de son industrie,  
 Et non d'oppression, d'usure, ou tromperie.  
 S'il est sage & discret pour la cause cacher  
 De son contentement, rien ne le doit fascher,  
 Car il peut aller viure en tous les coins du monde  
 Portant comme Bias sa richesse seconde.  
 S'il trouue vn languissant au danger de mourir,  
 En passant charitable il peut le secourir.  
 S'il rencontre vne vefue avec sa triste bande  
 D'orfelins, qui l'aumosne à vn marbre demande,  
 (Car plusieurs ont vn cœur de marbre dās le sein)  
 Il leur peut rendre pleine & l'une & l'autre main.  
 Le l'aboureur cheu, le marchand honorable,  
 Que la guerre ou le feu a rendu miserable;  
 Celuy que l'usurier comme vn chancre a rongé;  
 Le captif qui lamente en desespoir plongé;  
 Pourront sans y penser & sans qu'il y paroisse  
 Sortir par ses bienfaits de prison & d'angoisse.  
 Qui s'estonnera donc si le braue Iason  
 Mesprisa les hazards pour gagner la Toison,  
 Puisquil se veit par elle assouuir de richesse,  
 Et r'entrer son vieil pere en sa fleur de ieunesse?  
 Ou qu'aux yeux de Caron pres de l'infemale eau  
 Ænee alla cuillir le iaunissant rameau?  
 L'on se plaindra plustost que la Muse diuine

Qui du docte Saluste animoit la poitrine,  
 Ait noyé dans Lathé ce précieux subiect,  
 Le plus digne ornement de son riche proiect;  
 Puisquil vouloit de Dieu rechanter les merueilles;  
 Car celle cy s'enrolle au front des nompareilles.  
 Vray est qu'il a mieux fait que Gamon & Linthault;  
 Qui d'un discours si brane & d'un stile si hault,  
 L'un comme un Apollon Philosophe & Poete;  
 L'autre enfant d'Esculape estant son interprete;  
 Ont pensé garantir leur renom du trespas  
 Enseignant au public ce qu'ils n'enten doient pas.  
 Je n'en veux pour tesmoin que leur vulgal Mercu-  
 Dont ils cuident par art corriger La Nature; (re  
 Secret ou l'un & l'autre erre tout esgaré,  
 Puisque Nature à l'art le nostre a préparé.  
 Ils ont beau sublimer & luy donner pour ame  
 L'esprit du vitriol, puis en faire amalgame  
 Avec l'or cimenté; Ce progresz ne vault rien.  
 Il faut trouuer conioincts d'un naturel lien  
 Dans nostre vifargent le Soleil & la Lune.  
 Non argent vif commun, Sol ny Lune commune,  
 Mais ce couple iumeau que Iupin enflamé.  
 Au ventre virginal de Latone a formé.  
 C'est nostre vif Soleil, C'est nostre Lune vifue;  
 Theriaque & venin du vif qu'ils auie.  
 De ces trois ainsi ioints le vray Mercure est fait,  
 Qui par l'Or & l'Argent se fermente & parfait.

C'est nostre Lion verd, c'est nostre eau permanente:  
Dont l'œuvre se compose, & dont elle s'augmente.  
C'est le lait virginal; Le Mercure animé;  
Nostre terre feuillée; & nostre sublimé.  
Des couleurs d'Hiacinthe & de Narcis capable  
Transmuant tout en soy, comme en tout trāsmuable.  
Qui dévient immortel quand la mort il reçoit:  
Et meurtrit ses enfans alors qu'il les conçoit.  
En premier lieu l'Artiste a besoin de cognoistre  
Dequoy, & en quels lieux, les Metaux doiuent naistre  
Comment ils sont conceus, engendrez, acheuez;  
Mais non à mesme honneur par Nature esleuez.  
Puis, s'il ne veut au engle errer à l'avanture,  
Qu'il sçache où il doit suivre ou quitter la Nature,  
Qui a pour tout dessein (travaillant simplement)  
Des deux principes ioincts faire l'Or seulement.  
Qu'il tienne ma parole à foy Euāgelique,  
De ne quitter jamais l'espece Metallique;  
Et ne prendre pourtant les Metaux du commun.  
Despoillez de leur vie, & sans esprit aucun:  
Car, biē que maints Autheurs ordōnēt de les prē-  
On ne doit si crumēt leurs sentēces entēdre. (dre,  
L'un possible en son dire est superstitieux;  
Et l'autre en ses escripts est peut estre enuieux.  
Nature a composé de feu, d'air, d'eau, & terre,  
Un principe à cet Art qui est Pierre & non Pierre.  
Pierre quant à l'aspect & à l'atouchement;



*Mais quant au naturel Metal entierement.  
Metal qui toute fois nul Metal ne ressemble;  
Encore qu'en luy soient tous les Metaux ensẽble.  
Cette masse indigeste avec peu d'action  
Est aisẽment conduite à la perfection;  
Car en ses Elemens rien ne manque ou n'excede,  
Ains tout ce qu'il luy faut elle embrasse & possede,  
Le feu qui tout consomme en son avidité,  
Desnuant tous les corps de leur humidité,  
Est le seul aliment dont elle est substantee;  
Car plus elle y demeure & plus est augmentee  
Son humeur radicale; arriuant à tel poinct  
Que le Roy des Metaux ne s'y compare point.*

*Grand Roy, qui sans autre ayde a pris son origine  
De cet Hermaphroditte, ou de cette Androgine.  
De ce Cahos Phisic en qui vivent cachez  
Sept esprits minéraux, par Art sont arrachez  
Leurs quatre geniteurs, en la double semence  
Dont l'Embrion Chemic doit tirer sa naissance.  
Les deux sont au Mercure; & les deux autres sont  
Au souphre: & tous ensemble en mourant se parfont,  
Mercure est le mary, & Venus est la femme.  
L'Art en a fait deux corps, mais ces corps n'õt qu'un  
L'un & l'autre patit, puis agit à son tour, (ne ame.  
Sous les effect̃s diuers d'un mutuel amour. (stre  
Amour qui les rassẽble, & des deux morts fait nai-  
Un tiers tout dissemblable à ceux dõt il prend l'estre.*

*Voilà cet un mystique, & cette trinité,  
Qui comprend tout mystere en sa triole unité.*

*Deesse engendre-amours, germineuse Citheree,  
Qui par les regions de la voute Etheree  
Fais ta ronde eternelle en ton char radieux, (eux;  
Montât de sphere en sphere au dernier des sept Ci-  
Puis de vallant soigneuse, à nos vœux, oportune,  
Du Cercle de Saturne au cercle de la Lune,  
Ta vertu genitrice espanse egallement  
Dans les reins amoureux de chacun element.  
Comme au grand uniuers ta feconde influence  
Par l'esprit general à tout donne naissance,  
Tu produis les effets de maints actes diuers  
Par l'esprit mineral au Chimique uniuers:  
C'est pourquoy de ton nom nostre terre on appelle,  
Car nostre Hermaphrodit est conceu & nay d'elle:  
Après qu'estant recuite au bouillon de son eau,  
De sa tombe funeste elle a fait son berceau.*

*Gentille Salmacis, que tu vis glorieuse  
D'embrasser le subiect de ta flamme amoureuse;  
Baignât un corps si noble & des membres si beaux,  
Dans le flot cristallin de tes larmenses eaux!  
Honteux adolescent, ton heureuse infortune  
Te rendent'offensant cette gloire commune;  
Soit que ton double sexe à ces flots s'unissant  
Tu sois fait pour produire Agent ou Patissant!  
Mais qui est le docteur tant subtil & tant sage*

*Qui prouuast par exemple, ou mōstrast par vſage,  
Qu'on puiſſe vnir deux corps, de centres ſi diuers  
Que l'un aſpire au Ciel, l'autre aſpire aux enfers,  
Qu'en muant leur Nature; & changeāt leur ſub-  
Choiſe tres-dificille à l'humaine ignorāce; ſtance?  
Mais poſſible, & requiſe à la perfection  
Que produit en cet Art cette conuerſion:  
Ioignant l'eſprit agile au corps lourd & ſtupide;  
Le chault viſ au froid morne; & le ſecq à l'humide;  
Pour faire vn compoſé, auquel ſoient limitez  
Les diſcordants effets des contrequalitez.  
L'air eſt de tous les corps le ſouſtien & la vie.  
Il ſubſtante le feu; comme l'eau viuifie  
Le grand corps de la terre, & l'eau reçoit de l'air  
Cet eſprit animant; qu'elle laiſſe exaller  
Aux rais de la chaleur & celeſte & centrale,  
Pour renuoyer à l'air ce qui de l'air deualle.  
Ainſi par le ſecours d'un preſt continuel  
Chacun des elements ſe rend perpetuel,  
En eſtre, en actions, en vertus, en puiſſance;  
Donnant ce qu'il reçoit, riche en ſon indigence.  
Autrement ce bel ordre à neant paſſeroit;  
Et par tout la Nature inutile ſeroit.  
Mais cette ſage mere a par ſa prouidence  
Obſaclé ce deſaſtre; ayant fait l'ordonnance  
Que circulairement (par eux meſme excitez)  
En ſe communiquant leurs propres qualitez,*

*Par leur mutation proprement circulaire.*

*Les transmutations en tout se pourroient faire,*

*Ainsi la terre prête au feu sa siccité;*

*Le feu, son chant à l'air; L'air son humidité,*

*A l'eau, qui va prettant sa froideur à la terre;*

*Et tous vivent en paix en se faisant la guerre.*

*Voilà comme ces corps miraculeusement*

*Se changeant changent tout, & vôt tout reformât.*

*Docte Libanius, j'admire ta constance*

*A prouver & reduire en Art cette science:*

*Mais en tous tes escrits ie n'ay oncque appercen*

*Que ce diuin secret tu ayes iamais scen.*

*Toutefois ie t'honore ainsi qu'un autre Alcide,*

*Chassé mal de ton siècle, & vaillant monsticide.*

*Crois tu que tous les vieux qui ce but ont atteint*

*Sçeuissent rien des labeurs que tu nous as depeint?*

*Ce sont inuentions modernes & frivolles,*

*Contraire aux leçons de leurs vrayes Escolles.*

*Pardonne ie te prie à la naïfueté*

*Dont use ma franchise & ma sincerité:*

*Ie te cède en doctrine & en graue eloquence;*

*Mais non en la secrette & vraye intelligence*

*De ce rare mystere, où la grace d'en haut*

*Sans qui l'estude humaine & l'adresse ne vaut*

*M'a conduict par miracle, alors que mon courage*

*Par tant d'erreurs vaincu renonçoit à l'ouvrage.*

*Ceux à qui ce grand Dieu extrême en charité,*

Pour leur perséuerance & leur fidélité  
A cette sapience à la fin départie,  
Veulent que son mystere abonde en sympathie  
Avec le plus secret des mysteres diuins.  
Qu'elle ait fait aux premiers prenoir cōme deuins  
Le rauage inhumain de l'vniuerselle onde;  
Et le feu general consommateur du monde:  
Puis ait rauy leurs sens en la felicité  
De l'espoir non trompeur d'une immortalité:  
Lors que des bienheureux les glorieuses ames  
Prendront leurs corps purgez par le Cimēt des fla-  
Et moy suiuant leur trace y recognois assez (mes.  
Les effects à venir par les effects passez.  
Car si l'eau du deluge a possédé la terre  
Cent cinquante six iours; autant en nostre verre  
Apparoist un deluge, & ne se void rien qu'eau.  
Si Noé hors de l'Arche enuoya le Corbeau  
Qui s'arresta gourmand, à la charongne morte; (te  
La noirceur qu'aux deux corps la pourriture appor-  
Comme un Corbeau les ronge & les quitte à regret  
Si la blanche Colombe annonça le secret  
De la future paix par la branche d'oline:  
La verdeur qui se montre au vaisseau claire & viue  
Lors que nostre soleil a beu l'humidité.  
Vicnt prononcer l'arrest de la tranquillité.  
Comme en l'Arche sacree estoient malle & femelle;  
En nostre arche luyssante est la couple inuelle.

Comme l'eau vengeresse emporta les forfaits;  
 Nostre eau purge nos corps par la noirceur infects.  
 Or si l'un a esté l'autre se peut bien croire,  
 Puisque Dieu a voué l'un & l'autre à sa gloire.  
 Et que sans l'aôtion de ce contraire effect  
 L'ouvrage proicité ne peut estre parfait.

Esconte une maxime au commun non connue,  
 Qu'en la nuit du Soleil est le iour de la Lune;  
 Et la froideur Solaire en la Lunaire ardeur.  
 Lors que la Lune obscure en sa moitte froideur,  
 Reçoit du clair Soleil la chaleur radiense,  
 Le Soleil entre en elle & la rend lumineuse,  
 Eschauffant & seichant sa froide humidité.  
 Du Soleil au rebours la chaude siccité  
 S'alentit & s'humecte, & d'une obscure nue  
 Offusqué fait eclypse à nostre humaine vue.  
 Puis si tost qu'au Soleil la Lune fait retour,  
 Le Soleil se ranime & ralume le iour;  
 Arrachant à sa sœur sa lumiere vollee.  
 Qui ve sue de clairté vit sombre & desolee.  
 I'ay dit cent & cent fois, ie le redis encor.  
 Que le Soleil Chimique est le vis & pur Or.  
 Non pas cet or vulgaire afoibly du martire  
 Des flammes & des eaux qui bornent son empire.  
 Qui n'a rien de parfait pour autre que pour luy;  
 Et qui deuiendroit pauvre enrichissant autrui.  
 Ains celuy que Saturne en sa Sphere recelle;

*Qui n'est connu d'aucun si Dieu ne luy reuelle.  
Verdoyant, Vegetable, Animé, animant;  
Vif Soleil, qui paroist Lune premierement.  
Et qui n'aura des vieux desnoué les ambages  
Ne connoistra non plus cette Lune des sages.  
Lune qu'un voile noir infecte & va tachant:  
En son croissant premier à nos yeux la cachant:  
Diane ouvre Phæbus, & Phæbus clost Diane;  
Rendant l'esprit opaque, & le corps diaphane.  
Oste donc du Soleil l'ombreuse obscurité,  
Puis par tout l'univers s'espandra sa clarté:  
Mais sa viue splendeur ne sera departie  
Tout en un moment d'heure à la brune Cinthie.  
La froide Thitonide au teint iaulne vermeil  
Annonçant aux mortels le retour du Soleil,  
Leur apprend de sa sœur le coucher & l'absence,  
Qui paroist tousiours moins plus son frere s'auance.  
Laiſſons ces deux Jumeaux vuides leurs diffe-  
Et vuidés d'autres points, cōbie qu'indiferēs. (rêts.  
On dit que Ciel & Terre en un se doiuent rendre.  
Di moy donc si le Ciel en Terre doit descendre;  
Ou si plustost au Ciel la Terre doit monter?  
Tout esprit qui se laisse à la raison donter  
Croit qu'il faut que le Ciel vers la Terre descende,  
Puis dissolue sa masse & legere la rende.  
Or l'on tient que la Terre au Ciel va s'esleuant  
Lors qu'avec son esprit qui la va dissoluant*

Elle demeurre en luy vine & spirituelle.  
Qu'une similitude ingenieuse & belle  
Te peut faire comprendre avec estonnement.  
Lors que le fils de Dieu quittant le firmament  
Descendit en la Vierge, il y prit sa naissance,  
Ioignant nostre nature à la divine essence.  
Il fut vif entre nous pour de nostre salut  
Prescrire charitable & la voye & le but.  
Puis endurant pour nous vne mort volontaire  
Immortel il retourne au paternel repaire:  
Haussant l'humanité de son corps précieux  
Sur les cercles du monde; Où il vit glorieux  
Au palais eternal de la Trinité sainte.  
Ainsi lors que la Parque aura ma vie esteinte  
Mon ame s'eslevant sur l'alle de la foy,  
(Par l'insiny merite & faueur de son Roy)  
S'en ira dans le ciel d'où elle est descendue,  
Ayant sa fresle escorce à la terre rendue:  
A laquelle, purgee, au iour du iugement  
Elle se viendra ioindre inseparablement;  
Pour remonter ensemble à la vie eternelle.  
Mais d'un doute nouveau la question nouvelle  
Autrefois me fut faite, assauoir si l'esprit  
(Qui de l'ame & du corps tous les secrets comprit)  
Monte au Ciel avec l'ame, ou reste au corps en terte;  
Pour aller au triomphe ou mourir en la guerre?  
Ie maintins que l'esprit les assemble icy bas;



Et pendant cette vie est tiers en leurs combats:  
Mais la noirceur mûee en blancheur pure & mōde  
Il y aura sur terre vn plus excellent monde;  
Duquel l'esprit tiendra iustement le milieu,  
Le corps tiendra le fonds, & l'ame ira vers Dieu.  
Que'qu'un dit que la terre est le vray Ciel de l'ame:  
L'ame celuy du corps: & que l'esprit qu'on blasme  
D'auoir fait souiller l'ame en la solution,  
Participe aux tourments de sa punition,  
Dans les tristes cahots de l'ombreux purgatoire,  
Ou la flame blanchit l'ame de crimes noire:  
Puis, que l'ame purgee au Ciel se resjouit,  
Et qu'avec ses pechez l'esprit s'esuanouit.  
Car s'il faisoit tousiours avec eux residence  
Ils n'auroient iamais paix ny constante alliance.  
Ce fol disoit à l'ame, en son courroux peruers,  
Ie t'y ray conduisant par l'horreur des enfers  
A la mort eternelle, aux maisons tenebreuses  
Où Pluton va logeant ses idoles ombreuses.  
L'ame tirant à peine vn sanglot du profond,  
A voix entrecouppee en pleurant luy respond:  
Las pourquoy, cher esprit, m'as tu donc arrachee  
De l'agreable sein ou i'estois attachee?  
Ie te croyois à moy ioinct d'un nœud Gordien:  
Que me donnant à toy tu deuois estre mien:  
Et ta bouche anjourd'huy le contraire m'annonce.  
Mais ie pardonne aux maux que ton ire prononce,

E

Comme àits de la langue, & du cœur non dictex.  
 Et veux tout au contraire (galle aux deitez)  
 Auec moy te conduire à la gloire eternelle,  
 Honorant nostre corps d'une essence plus belle.  
 Qu'on ne m'accuse point d'auoir escrit cecy  
 Pour rendre le secret de cet Art obscurcy:  
 De corps, d'ame, & d'esprit, la pierre se compose;  
 Et ces trois s'embrassant font vne seule chose;  
 Cōme ces trois fōt l'homme vnissant leurs accords.  
 La matiere imparfaicte est prise pour le corps;  
 Le ferment en est l'ame; & l'eau qui les assemble  
 Est l'esprit, enchaînant l'ame & le corps ensemble.  
 Le corps lourd & stupid: est de soy vil & mort.  
 L'ame le ressuscite, & le rend vif & fort.  
 Et l'esprit qui le purge à la fin le fait digne  
 Du manteau reluisant, de la blancheur insigne.  
 Le corps, l'ame, & l'esprit, qui en nombre sont trois;  
 En leur genre commun ne sont qu'un toutesfois.  
 Car Sol, Lune & Mercure, en leur substāce entiere,  
 Sont differents de forme & non pas de matiere.  
 Combien de hauts secrets de sophismes conuerts  
 Moisissent incognus dans les antiques vers?  
 Le combat de Thesee & du fier Minotaure.  
 La riche cuisse d'or du diuin Pitagore.  
 L'incroyable façon de se regenerer  
 Trois fois en trois cens ans, se faisant digerer  
 Dans vn bain d'eau bouillante; & d'esträge maniere

*Pour cent ans se remettre en sa forme premiere;  
Sõt autät de tesmoins des plus qu'humains effects  
Qui par cet art sublime ont iadis esté faits.*

*Ce courageux Thesee est le vray philosophe;  
Qui ioignant de sön œuvre & l'une & l'autre estoffe,  
Combat dans les destours de son triple vaisseau  
L'inaccessible orgueil du monstre Mytaureau:  
Puis vainqueur triomphant pour couröne de gloire  
Fait la fille d'un Roy le prix de sa victoire.  
Ce Roy, c'est le Soleil des astres sousterrains,  
Qui n'engendre que Roys & Princes souuerains:  
Et sa fille est la pierre en rougeur esclattante,  
Qui paye ses travaux, ses frais, & son attente.  
Si son bel œil daignoit vn iour luire à mes yeux,  
I irois, nouueau Thesee, au ciel des demydieux.  
Car c'est l'estoille heureuse au lustre de laquelle  
Du perleux Orient comme Aurore nouvelle  
Vint la Royne de l'Austre, ouïr, entendre & voir:  
Du grand Roy Salomon la sagesse & l'auoir.  
Comme en vn seur azille en ses mains se retire  
La puissance, l'honneur, la vertu, & l'Empire.  
Le Royal diadème ornement specieux  
De son auguste front, sont les feus radieux  
De sept Astres brillans qui le monde illuminent.  
Deuant sa Majesté les plus grands Rois s'inclinent.  
Et comme espouze ornee allant vers son espoux  
Aux vestemens pompeux flottant sur ses genoux,*

*On liſt en lettres d'or Grecques & Arabicques,  
 Je ſuis l'unique fille aux Prophetes antiques.*

*L'ignorance a fait dire à maint celebre auteur  
 Que le vieil Pithagore eſtoit vn enchanteur  
 Qui monſtroit en cachette vne cuiſſe d'or nue.  
 Mais cette cuiſſe eſtoit la richeſſe incognue  
 Que par ce haut miracle il alloit poſſedant,  
 Et du ſeau du ſilence eſtroitement gardant.  
 La chaudiere où ſa chair fut trois fois conſommee,  
 C'eſt la cuue ſecrette en ſa chambre enfermee,  
 Ou dans vn bain de fleurs conſittes par le Vin  
 Il prenoit (quelques iours) de ce ſoulphre diuin  
 Qu'au decroſcit Aſon l'amoureuſe Medee  
 Donna, pour deſpouiller ſa vieilleſſe ridee.  
 On employe maint texte à maint grane ſubieſt,  
 Dont l'auteur n'eut iamais que cet Art pour obieſt.*

*Les labours d'Hercules qu'o tiét pour vaines fa-  
 ſôt de cet Art ſecret figures veritables. (bles,  
 Gerion aux trois corps redoutable & puissant;  
 Eſt le triple argent viſ Sol & Lune embrasſant.  
 Le geant terrené, l'inexpugnable Anthee,  
 Dont la force n'eſtoit par aucun ſupplantee  
 Tant qu'il touchoit ſa mere, eſt l'eſprit, viſ & chant  
 De noſtre or, que noſtre eau attire & leue en haut.  
 L'hydre touſiours naiſſante à ſept teſtes horribles;  
 Eſt l'eau, mere de l'or & de tous corps fuſibles:  
 Eau qui ne mouille point, & n'eſcint point le feu:*

*Serpent que le Soleil doit tuer peu à peu.  
 Des Centaures legers l'espece monstrueuse;  
 C'est des deux spermes ioints la matiere hidense.  
 Le traistre Diomedé & ses cruels cheuaux;  
 C'est l'Artiste logeant ce cahos des Metaux  
 Dans la chambre secrette ou son eau le deuore.  
 Le bouclier d'Hippolite; est l'Iris qui decore  
 Cette eau de cent couleurs. Le fumier meurtrissur  
 De l'estable d'Augée; est l'infecte noirceur  
 Qui couure les corps morts apres leur pourriture.  
 Les Oyseaux Stinphalins, rauissans la pasture  
 Du desasté Phinée, & l'allant infectant;  
 Sont les fortes vapeurs qui des corps vont sortant.  
 Du sanglier escumant la poursuite & la prise;  
 C'est lors que la matiere entre à la couleur grise;  
 Et quittant pour blanchir son orde obscurité  
 Donne vn signe à l'ouurier de sa felicité.  
 La peau du grand Lyon que ce demidieu porte;  
 C'est la rousse couleur qui la blancheur emporte.  
 Le Taureau qu'il dompta le corps qu'on v. fixant.  
 Le cerf aux cornes d'or; le corps fix iannissant.  
 Cerbere aux trois gosiers; l'enfant nay, qui demâde  
 Qu'on l'aille alimentant de nouuelle viande.  
 Voila comment les vieux cet œuvre alloient cachât  
 A l'auare, à l'ignare, au fol, & au meschant.  
 Mais quelle Thisiphon, de ses rouges tenailles,  
 Extreſme en cruautez, bourelle les entrailles*

*Des haineux de cet Art, d'ignorance au englez;  
 Qui troublez des vapeurs de leurs sēs desreiglez,  
 Nous proposēt pour loix leurs discours chimeriques  
 Voulant qu'on les prefere aux plus belles reliques  
 Dont l'Egypte & la Grece en leur prosperité  
 Doïerent les autels de leur posterité.*

*Hayr ce qu'on n'a pas, blasmer ce qu'on ignore;  
 C'est vn mal qui demande vn quintal d'Helebore.  
 De ton trosne pourtant tu ne sois deboutté (té.  
 Bel Art, puisqu'il n'est riē d'ōt quel qu'un n'ayt dou-  
 Les mysteres diuins souuent en controuerse  
 Ne permettrēt pourtant que l'Eglise on renuerse.  
 Iupiter ne sceut onc les mortels contenter;  
 Ce qui fait pleurer l'un induit l'autre à chanter.*


*Des flancs du Mont gibella soulfreuse insolence  
 Tant de langues de feu à plis Ondoux n'eslance,  
 Que la traistresse enuie aux funestes regards  
 Descoche par cent yeux de Basiliques dards,  
 Au blâc de tō hōneur (grand Royne des merueilles)  
 Et tous, sans te blesser passent dans tes oreilles.*

*Que ce monstre deschire vn soufleur enfumé,  
 Qui d'eau forte, de soulfbre, & d'orpin parfumé  
 Ressemble au forgeron qu'une flame vert-bleuë  
 Rēd sous la nuit ombreuse vn fantosme à la veuë,  
 Cela n'est qu'à ta gloire, & luy vais pardonnant.  
 Mais vn fils legitime à qui tu vas donnant  
 Le fillet d'Ariadne en ce confus Dedalle,*

Doit estre exempt du fil de sa langue infernale.  
 Et faut qu'un vray Thesee, ou Persee irrité,  
 Extermine ce Monstre enflé d'iniquité.

Viendras tu point du Ciel belle ame Aurelienne,  
 Geler de ces Corbeaux la voix magicienne;  
 Et deffendre l'honneur de ton Pontife aymé,  
 Qu'ils ont pour t'offencer meschamment diffamé.  
 De tes beaux vers dorez à l'egal doux & graues,  
 Burins par qui ta gloire au frôt des ans tu graues,  
 L'estoffe precieuse & l'œuvre plus exquis  
 N'ont sinon des Lauriers pour ton loyer requis.  
 Leur torrent plus fecond que le riche Pactolle  
 Rouloit trop d'or caché dans son areine molle  
 Pour une seule bource; où la bource eust esté  
 Comme estoit le tresor grande en infinité.

Rongnez Muses rōgnez l'ongle & le bec qui pince  
 Vostre opulent Poëte & son illustre Prince.  
 Empruntez de Pallas l'effroyable bouclier,  
 D'où l'horrible Gorgonne eslançant maint esclair  
 De ses gras yeux fataux empierre l'ignorance,  
 Qu'il d'un dart espointé combat cette science.  
 Et conseillez à ceux qui blasment tel secrets.  
 D'estre vn peu pl<sup>s</sup> sçauāts, ou beaucoup pl<sup>s</sup> discrets.



# STANCES.


**A** V gracieux refueil de la vermeille aurore  
 Son œil chasse l'obscur du vuide aérien;  
 Illustrant le contour au globe terrien  
 Par son éclair brillant qu'il le Ciel recolore.  
 Ainsi, quand la splendeur d'un haut sçavoir decore  
 Quelque esprit espuré du brouillas ancien  
 De vulgaire doctrine, il void tout, & n'est rien  
 Pour secret qu'il puisse estre au mode, qu'il igno-  
 D'imposture & d'erreur la grãd tourbe le fuit; (re.  
 (Ainsi que le Hiboux fuit le Soleil qui luiët)  
 Ne pouvant supporter l'esilat de sa science.  
 Il marche en sa main dextre ayãt l'oguent de iours;  
 Richesses & honneurs en la gauche; & tousiours  
 Suit pour phare & pour nord l'astre de sapience.  
 Muses, chassez bien loing de vostre sanctuaire  
 Tous excommuniez & maudits imposteurs;  
 Qui prophanant cet Art, sacrileges menteurs,  
 Font de son nom sacré vne fable au vulgaire.  
 Que ces esprits sillez d'une erreur populaire;



Et ces Asnes chargez de liures & d'auteurs  
Qui par opinion mesprisent nos Docteurs,  
N'approchent point aussi vostre autel salutaire.  
Que de sa main sordide vn avaricieux.  
Que de son ongle impie vn vain ambitieux;  
N'attendent de cueillir nos precieuses roses:  
Mais que l'humble & le sage entrent en ce St. lieu.  
Car pour eux seulement sont reseruez de Dieu,  
Et les fleurs, & les fruis, de nos metamorphoses.  
De ces preux champions pour le prix contendans,  
Qui dās le chāp d' Hermes fōt vōller la pouſſie-  
Vn à peine entre mille a cognu la matiere; (rez  
Dont se fait la couronne ou ils sont pretendans.  
Les vns, plus qu'il ne faut, subtils & transcēdans,  
Loin du trac de Nature, essayant leur carriere,  
Abandonnent le cours de cette grand guerriere;  
Et frayēt des sentiers aux siēs tous discordans.  
Tels esprits facinez, quittent leur bonne mere;  
Et vollent vagabons apres mainte chimere,  
Qui les païsāt d'erreurs les porte au desespoir.  
Chacun à son obiet; Chacun à sa pratique;  
Et n'y a qu'un subiect; & qu'une voye unique:  
Qu'on ne peut sans Nature obtenir ny sçauoir.  
Mille & mille auant moy, comme moy curieux,  
Ont cōsommē leur aage, & leur biē, & leur peine,  
A chercher incertains; vn chose certaine,  
Et à qui la cognoist tousiours presente aux yeux.

Mais mille & mille aussi plus fauoris des Cieux  
 Auant moy comme moy ont cognu la fontaine  
 Qui sur vn sablon d'or son eau vine pourment,  
 Eau d'immortalité dont s'abreuuent les Dieux.  
 Les vns comme auuglez erroient à l'aduanture,  
 Les autres mieux appris, disciples de Nature,  
 Au Ciel de ses secrets adresserent leurs pas.  
 Ceux là firēt naufrage & de biens & de vie: (mie,  
 Ceux cy guidez au port, francs de crainte & d'é-  
 Vinquirēt toute angosse, & presque le trespas.





## LES VISIONS HERMETIQUES.

**B**ien que nostre Art consiste en vne seule chose;  
Et que d'un vil habit nostre Roy soit caché:  
Voyez comme il se change & se metamorphose,  
Avant que du sepulchre il puisse estre arraché.

Je vey par vn fort aigle vn vieillard venerable  
Au sein d'vn gros nuage enlever iusqu'aux Cieux.  
Puis tournant dans vn globe en façon effroiable,  
Devenir eau tresclaire, & sel tres precieux.

Je vey dans nostre mer deux poissons admirables,  
Qui s'as chair & sans os cuissoient en leur propre eau.  
Et de leur suc enfloient les Ondes deleçtables,  
Qui leur donnerent l'estre, & qui sont leur robeau.

Je vey dans vn bourbier vne Pheresauuage,  
Plus vile qu'un sanglier en la fange dormant;  
Qui changeant peu a peu de poil & de corsage,  
S'alloit en biche blanche à la fin transformant.

Je vey dans le profond de nostre forest noire,  
Aupres d'une Vnicorne, vn cerf audacieux;  
Suinis de cét Veneurs, dont vn seul plein de gloire  
Feit de leur chair doree vn mets delicienx.

*Dans vn vallon ombreux de cette forest mesme  
Je vey deux fiers Lions l'un sur l'autre acharnez;  
Qui pris par ce Veneur avec travail extrefme,  
Furent sous vn ioug mesme en triomphe amenez.*

*Je veys vn chien superbe, & vn loup plein de rage,  
Se colleter l'un l'autre; & s'estranglant tous deux,  
Conuertir en venin leur sang & leur carnage:  
Puis ce venin resoudre en baulme precieux.*

*Je vey deffous vn antre vn grand dragon horrible,  
Vomissant son venin aux rayons du Soleil.  
A tout autre animal redoutable & nuisible,  
Car il n'est Basilic en cruauté pareil.*

*Je le vey tost apres surpris dans le cordage  
Du Veneur cauteleux; où pire qu'enragé  
Il denoroit sa queue; & par son propre outrage  
En fine Theriaque estre son sang changé.*

*Dans la mesme forest ma venue fut conduite  
Sur vn nid, où gisoïent les deux oyseaux d'Hermes,  
L'un taschoit à voller, l'autre empeschoit sa fuite;  
Ainsil'un retient l'autre, & n'en partent iamais.*

*Au dessus de ce nid ie vey sur vne branche  
Deux oyseaux se piller & se donner la mort.  
L'un de couleur de sang, l'autre de couleur blâche;  
Et tous deux en mourrât prédre vn pl<sup>us</sup> heureux sort.*

*Je les vey transmuier en blanches colombelles,  
Puis en vn seul phœnix toutes deux se changer.  
Qui semblable au Soleil, sur ses brillantes ailes  
Afranchy de la Parque au Ciel s'alla ranger.*

*Je vey vn fier Monarque en sa royalle pompe,  
Sortant de ces forests dont il se disoit Roy;  
Aux quatre parts du monde au hant son d'une trô-  
Appeller ses vassaulx pour recevoir sa loy. (pe*

*Sur son chef éclattoit vne triple couronne,  
Ou maint large escarboucle alloit estincelant.  
Et flâboit en sa dextre vn beau sceptre, ou rayonne  
Auec l'or precieux vn esmail excellent.*

*D'un pourpre cirien orné de broderie,  
Sa robe Imperialle a lays larges & longs  
Par dessus vn harnois riche d'orfaurerie  
Luy pendoit de l'espaule au dessous des talons.*

*Pompeux de Maïesté, d'un front seure & graue,  
Il dist à mille Rois à ses pieds prosterner,  
Le plus puissant de vous n'est ore qu'un esclau;  
Car tous pour mon trophée estes predestinez.*

*Sur tous mes ennemis j'ay gaigné la victoire;  
Et braué la mort mesme en rōpant mon tombeau.  
Je suis incomparable en puissance & en gloire;  
Plus riche que Pluton, & plus qu'Apollon beau.*

## 73 LES VISIONS HERMETIQUES

*I'esleue le plus pauvre en dignité Royale;  
Je donne aux imparfaits toute perfection.  
Et ceux que ie par fais à moy mesme i'esgalle,  
Leur donnant les effets de la mesme action.*

*I'assouvis de tresors les ames plus auares;  
Je comble de santé les corps plus abatus;  
I'exalte le cristal sur les gemmes plus rares:  
Vniuersel en force, & vniue en vertus.*

*Qui ne tiëdroit pour fable vn progresz si estrange?  
Ven qu'une chose vile, a chacun en mespris;  
Sans traual, sans despens, de soy mesme se change  
En vn triple tresor sans pareil & sans prix:*



*Je suis donc le Phenix qui renaist de sa cendre:  
Le grain qui pour produire en la terre pourrit:  
Je suis ce Pellican; Et cette Salemandre,  
Qui au feu prend naissance & du feu se nourrit.*

*Je suis, tant que la terre en ses flancs me recelle,  
En trinitè vniue; ou trine en unité.  
Et viendrois de moy mesme en grande autorité,  
Si l'auarre enuieux ne me separoit d'elle.*

*Tout le monde à vil prix m'achette & me possede:  
Mais c'est apres ma mort & quand seul et ie suis,  
Qui doncque me prend vif, & scait ce que ie puis;  
Peut dire qu'aux tresors des esleuz, il succede:*

O Princeſſe d'Antie, invincible Fortune;  
 Opportune à quelqu'heure, à quelqu'autre im-  
 Deeſſe incōparable, exigeant des mortels (fortune,  
 Les ames pour viſtime, & les cœurs pour autels.  
 Sur les pl<sup>s</sup> grāds Palais tu fais naiſtre des herbes:  
 Changeāt aux tristes pleurs les triōphes ſuperbes.  
 Le Monarque te ſuit: l'Empereur & le Roy (loy.  
 Courbent leurs chefs vainqueurs ſous le ioug de ta  
 Ceux que Mars, & Bellonne animent à la guerre:  
 Ceux que Ceres deſtine au labour de la terre.  
 Ceux que le Dieu du gain, à la mercy des eaux  
 Enſepulture viſs dans leurs freſles vaiſſeaux:  
 Le Dace belliqueux: le Gelon plus farouche  
 Que l'Ource auorte aux bords ou le Soleil ſe couche:  
 Les Libiens recuits: les Scithes paſſagers:  
 Les Parthes cauteleux: & les Gettes legers:  
 Redoutent le reuers de ta dextre puiſſante;  
 Et le tour incertain de ta Roue inſtante.

La force aux points d'acier accompagne tes pas;  
 Qui fait voir le pouuoir que tu as icy bas,  
 Au globe qu'elle porte en ſigne de conquēſte;  
 Où eſt peinte l'horreur d'une obſcure tempeſte:  
 D'airin eſt ſa Cuirace; & ſon Caſque profond;  
 Dont la pointe deuille au milieu de ſon front.  
 De grands clous acerez, & de forts gōds de cuiure,  
 Sa main gauche eſt garnie: & ſiere ſe fait ſuivre  
 Par Saturne enchainē; qui porte ſuspendu  
 Un pot d'Argille cuitte emply de plomb fondu.

La foy marche à to  La d'un voile blanc couverte  
 L'esperance te sa  ne robe verte;  
 Les yeux doux & rians; le visage tout feinct;  
 Le chef couronné de fleurs; & l'entour du col ceint  
 Des carreaux précieux; la bouche & les mains pleines  
 De propos abuseurs, & de promesses vaines.  
 Ces trois te font escorte; & d'elles sont cheris  
 Autant peuples que Rois, s'ils sont tes favoris.  
 Mais si le plus illustre est atteint de ton ire,  
 Cette troupe les quitte, & quant & soy retire  
 Les subiects peu loyaux, & les amis bornez,  
 Qui n'aymēt que l'honneur dōt les grāds sōt ornez.

Receoy mes humbles vœux, ô puissante deesse,  
 Si que ta faueur chere au besoyn ne me laisse.  
 Je n'aspire insolent aux pompes & grandeurs  
 Ny au gouvernement de Roys ou d'Emperours.  
 Mes desirs n'ont obiect que la plume & le liure;  
 Pour les labours d'Hercule, & de Iason poursuivre.  
 Ton œil soit mon saint Hermès; & mon phare, & mon  
 Et pour guider ma barque au salutaire port, (nord.  
 Fay qu'au milieu des flots, pour remarque asseurer,  
 Quelque ieune Triton sur sa teste azuree  
 Estenant hors de l'onde un gazon verdissant,  
 Te s'moigne que les Dieux vont mon cours benissant:  
 Comme de leur faueur & de ton secours digne.

Lors pour iuste guerdon de ce bien fait insigne  
 Je doreray ta rouë; & le globe roullant  
 Que tes pieds immortels pour baze vont foullant: